



吞松閣集卷之三十四

秀水鄭虎文炳也著

門人欽州馮敏昌編次
新竟師靖師愈謹梓

文十一 墓誌

翰林院編修叔山邵君墓誌銘

今海內人士所推能為東京六朝初唐之文者無論識與不識必首稱吾友叔山叔山與同歲舉進士名能為史漢若昌黎河東文者則有定興王君芥子芥子初亦好為文如叔山及見叔山文歎為天授遂輟不復作二君同年齒同官翰林同以文學相引重而又同以原官放歸田未幾芥子復起累遷至湖南觀察行大用而叔吞松閣集 卷三十四 一

山則竟死矣觀察嘗遺書索刻其文將序以觀示後學叔山未及應卒明年其孤培德走使乞觀察銘其藏觀察曰序吾已生許之矣銘請他屬培德則又泣而請於文文與叔山交不後觀察乃序而銘之君姓邵氏名齊燾字荀慈叔山其號也先世在唐貞觀閒居杭之北市曰道宗無子以弟吏部侍郎說子好禮為後凡十有三傳由杭而睦而歙至饒州都帥顏子萬成乃卜居休寧之黎陽又二十傳至鄉飲賓若水始遷常熟常熟後分縣為昭文遂著籍為昭文人若水生君曾祖歲貢生庸齋贈儒林郎庸齋生君祖附貢生莊菴莊菴生君考候

補主事味閒並贈奉政大夫兵部武選司員外郎味閒少孤能強毅自立遊義門何學士門受其學尤善書得二王法生五子君其第二子也生之夕夢明祭酒馮公夢楨以名刺來謁聞若願借居三十六年云寤而君生因名君小名曰開生三歲生母曹安人卒嫡母程太宜人撫之愛如出腹子甫受書輒了大義塾師驚辭不能師長而愈騫有聞於時其學於古也涵而揉之去故遺迹咀含浸淫滲漉衍溢乃大昌於辭而惟自其已出今古駢散殊體詭製道逼爲一涉筆矢音金石咳唾造次以之允蹈維則班范潘陸斯文未墜君於

吞松閣集

卷三十四

二

本朝一人而已乾隆壬戌第進士其閩中文騰輦下人皆口傳以熟後有效者輒得弋獲雖形貌乖舛羣相指爲邵體君聞之不以爲忤也君旣入詞館明年

駕幸翰林院錫宴衍栢梁聯句與焉尋獻

東巡頌原道敷章研神播采揚班之亞也羣公器之爭欲致君門下顧君冲澹不省揣合相滄滄爲暱又習與一二靜者遊益耽閒喜自弛置時多少年暴起意氣盛各以才力相鬪煽輿馬服御燕欵相矜高雖謹厚貧者咸務此不若不得比人數而君族又有以貴雄者世故誤指君爲富人顧獨乘羸車攝敝衣冠傲然出衆中則

大駭久之益落落無以自見乃自顏其齋曰道山祿隱
在翰林十年充書局纂修者再充京兆分校者再兩遇
廷試亦再屈遂罷歸時年三十六說者謂符昔夢云君
通籍初遭母兄喪旋喪偶思親圖歸日夜以冀既歸得
侍融融怡怡如其兒時退事著述益肆以醇閒遇

國家慶典皇賡禹謨鎗洋

廟堂假羽飾喙頡頏輝鸞鳳郵書屬草者使填於門負鰲
蟠螭銘宮揭阡人交走幣恐後咸須君文以休萬祀身
晦名顯日逾以崇乙酉

清蹕南巡有

吞松閣集

卷三四

三

詔徵在籍詞臣集試

闕下時文官京師或謂曰此舉意在邵某也若與邵厚
曷促之來文曰邵某病且母老恐不果來已而竟以疾
辭不赴越四年卒春秋五十有二君貌清古豐下銳上
首微窪如仰金眉目踈秀短視精草章入晉人室每據
案書望之若隱几卧者嚴冬喜脫履擁爐坐客至倉卒
覓履不得隨取躡之履異旁觀竊視匿笑君覺之亦自
笑已且復然終不以措意當金川之平也相國忠勇傅
公旋師禮成坐朝房百官咸會君立門外面之取鏡諦
視公呼人問曰若何視君微哂不答徑趨出其意度夷

曠類如此與之遊者未嘗見愠色卽愠未嘗出聲氣性
愛才喜獎借後進嘗主毘陵龍山書院君歿士有哀之
若父母者君一兄三弟齊烈乙丑進士選爲庶常卒於
官齊熊舉人內閣中書舍人齊然齊烈同榜進士由庶
常改官兵部武選司員外郎齊鰲貢生皆賢而有文者
配席安人太學生贈文林郎永恂孫附貢生鎬女有高
行先卒君已葬而銘之繼配王安人資政大夫戶部侍
郎原祁孫通奉大夫巡撫廣東兵部侍郎暮女子三男
二人培德聖增均縣學生聖增少負志節務矯厲不同
俗以自標置先君一年卒女一人適太學生趙貴鯤孫
吞松閣集

卷三十四

四

男廣鎡廣衡孫女二乾隆己丑某月日將葬君於席安
人之封培德余壻也使來速銘銘曰

斑斑之獸弗擾於囿噦噦其音於桑之林嗚呼叔古
誰不然而克以有於萬年維生不羸維後之成以鴻厥
聲

封朝議大夫福建道監察御史怡齋王君墓誌銘

君名廷錦字彥平號怡齋姓王氏係出宋沂國文正公
後自益都徙桐鄉自桐鄉三徙始居吳江之同里其始
遷桐里之祖明太學官生訪者右僉都御史巡撫江西
宗吉之從孫蘇州衛指揮僉事敏之孫也自訪以下儒

雅繼及延徽趾美康熙丁酉舉人贈朝議大夫福建道
監察御史棣是爲公考妣龔氏贈恭人生二子君其仲
也君誕膺睿資綿述家學劬躬動音允蹈維則淵懿醇
篤性習交茂君子之器蚤孚物聽同邑潘太史稼堂先
生有女孫式訓珩璜旁通圖史於時相攸甚難其選謂
維君宜乃歸焉蓋夙成令德老成屬心矣若乃總修百
行立本愛敬永言因心惟孝惟友石慶厠踰之滌曾參
嚙指之痛茂公燎須之勤姜肱共被之愛古所專美光
備厥躬用能休和內充通塞同趣爲名諸生者三十年
以明經終人屈其遇歎興在茲君曰田生取榮於致親
吞松閣集 卷三古 五

毛子動色於奉檄自悲鮮民絕望久矣從吾所好若將
終身也洎乎賢子奮迹潛登柏府崇封之禮追往逮存
當夫

龍章賁盧改視易聽僉曰休哉此晝錦之榮也君蹙然
抱盛滿之懼益務韜晦與人爲同足絕城府跡儕耕漁
逸興偶寄發言成詠詠已輒棄有復叩者答曰已忘之
矣蓋以浮詞爲心蠹以虛名爲謗媒非獨於詩爲然也
禮門義路率由斯至臨深履薄造次以之卽其式穀之
似述祖訓孫戒惟溫飽窮達一節治亂同命可以知君
之所養矣總其生平教不遺類貧不恡施和不徇俗介

不詭時萬緒一揆根柢性情古所謂務本盛德之君子
君殆無媿色焉春秋七十有一乾隆三十八年某月甲
子卒遠近同好之人聞者莫不揮涕曰老成典型亡矣
君吳江縣學廩貢生

誥封奉直大夫戶部福建司主事晉朝議大夫都察院
福建道監察御史配潘氏康熙博學鴻詞科翰林院檢
討未女孫貢生其炳女克相君子佑啟後人譽流居室
人無閒言年七十一先君一年卒累贈恭人子男二人
承翼縣學增廣生曾翼乾隆庚辰進士由戶曹累官福
建道監察御史女二人適廩膳生袁益之庠生沈光珠
吞松閣集 卷三十四 六

孫男二人祖寶祖武女四人二子以乾隆甲午某月日
合葬考妣於某阡謀所以不朽其先人者以御史君與
余遊久狀來乞銘
銘曰於皇先生清夷粹溫非耽省曠而遺世紛在漢之
季亦郭亦陳中郎往矣虎賁是尊於以銘之孰存其真
非銘之存存銘以人斯銘斯人其永有聞

浙江寧波府知府王君紹曾墓志銘

王太史蕪鄉出守寧波凡八閱月而謫雲南軍前不半
歲卒時乾隆己丑十一月二十一日也越九載丁酉始
克卜葬君於某阡君同母弟禮科給事中顯曾榘狀率

十一齡孤具幣奉狀來以志銘請余手狀淚逆咽不成
誦頃之竟讀信乃志曰

君諱紹曾字衣聞號蕤鄉世居江蘇華亭之張堰後入
金山縣故君爲金山縣人我

朝族之望於江以南者太倉王氏海寧陳氏而外莫如
華亭之王

仁廟朝相國文恭公實公會祖文恭公生君祖孝廉諱
圖焯孝廉生君考寧國太守諱祖庚妣陳恭人海寧大
宗伯陳清恪公子編修諱世侃女也君胚胎前光性習
殊衆幼授書百過乃熟恥之每黎明入塾塾門未啓持
吞松閣集

卷三十四

七

書跪庭中誦以俟夜漏下四十刻乃已率爲常久之開
悟年十七補縣庠生又十年丙子登京兆榜明年成進
士改庶吉士庚辰授編修君廣顙疎眉瞻視威重見者
憚之少倜儻負才長而侍寧國公宦遊歷事益鍊旣通
籍掌翰林院事相國梁文莊公少宗伯介文 公咸才
君倚如左右手

奏君理院事君明斷果銳持公抑私無所撓避同列皆
斂手讓王午主雲南鄉試得士多知名者癸未充功臣
通考兩館提調甲申充方畧館纂修所至以才名壓其
曹忌者滋衆時館中人有爲蜚語所中者掌院信之將

劾奏君力救得寢衆顧歸獄於君君又倡修院署會
駕南幸文公扈從道卒復騰言君知工與日月不利
於介而甘心焉用激當軸之怒以撼君君不能自明於
是稍稍學韜晦避事顧事日填委無以謝也尋丁寧國
公憂歸免喪復職授寧波府知府初掌院承

旨舉詞臣之才堪任道府者君與焉當是時寧國公去
保定守任在部爲選人君第顯曾官儀曹同居文恭公
之錫壽堂舊第一時冠蓋車馬京師稱盛寧國顧而樂
之寧國自恨不得入詞館雅不欲君應是舉而無以奪
舉者意君亦患苦口語求出不復辭及是乃有是

吞松閣集

卷三十四

八

命至浙未幾以會勘事被議

命從征緬甸於雲南遂去寧君之治寧也以郡邊海多
盜捕役姦縱不緝檢舊牘僅歲餘得未完案百有五十
乃計案分役責捕役五人爲曹曹推一人爲長又設督
捕一人轄之立比限滿十日無一獲者督捕帶比其長
獲一小案者免獲案兩三並獲非分捕本案者第功以
賞條具牒縣官吏惕息奉令不數月完案八九郡稀告
竊者鄣俗尙拳勇惡少年率數輩或數十輩白晝暴民
於市吏莫何問君籍其姓名立木城六門戒無犯犯輒
盡法無赦諸惡少咸匿跡無敢高語於途者郡以大治

君坐堂皇聽斷縱民聚觀且謂曰余斷事無成心苟未允爾其各言余過無畏斷畢復詢如初必衆曰允乃已以故民樂就訴無鉅細立剖雖刑者無後言君嘗書聯榜聽事兩楹以自警曰刑敢曰允賞敢曰明祗爲見不到時畱地步民何以安吏何以察總於斯未信處着功夫蓋實錄也將去自爲文千餘言與士民別民益感動去之日送者自城迤邐相屬至西壩凡二十五里哭不絕聲後聞凶問相與南望聚哭曰我郡五六十年來無此好官今去且死後望絕矣至今讀君別士民文猶墮淚因名墮淚文方之峴山碑云君至雲南作急裝腰弓

吞松閣集

卷三十四

九

跨馬逐諸健兒隨制府阿公疾馳老管屯軍前思一展割裂之用以自贖會病瘴興疾還騰越卒春秋四十君配初聘揚州戴氏河南汝寧府知府諱汝槐女未昏卒娶無錫張氏禮部尙書文恪公孫庠生忠女側室楊氏子男一人景高楊出女二長適兵部尙書彭公啓豐孫侍讀紹觀子甲午舉人希范次字湖南衡永桂江道汪公新子某俱張出景高聘戴氏卽汝寧公女孫君念原聘戴雖未成婦義不忍絕歸其匱將以禮葬懼後世子孫廢墜厥祀乃復爲景高聘於戴以繫屬之君之篤於倫義此可觀矣銘曰謫金齒橫草功或以此天何靳之

以謫死循良最迹古孰儔南陽潁川今明州君來桐鄉
神夷猶山深海濶道阻修神兮歸來不可以久畱歸神
幽宮釋塵憂吾銘以誅君知不

陶母孫太孺人墓志銘

孫太孺人蕭山明經陶先生元藻之德配甘肅某縣知
縣廷珍進士廷淑母也明經詩文名天下凡數東南壇
坵老宿必首篁村先生篁村先生字也與余交厚且久
同寓跡於西湖其嗣廷珍就官甘肅屬廷淑奉太孺人
柩於某年月日葬某村某原而請銘其藏於先生先生
曰今崇文書院長宮贊鄭某余服其文可不朽其以屬
吞松閣集

卷三十四

十

之廷淑則承命固請余重其意爲之志曰

太孺人姓孫氏遠祖某故明忠烈公燧之從弟也其後
自餘姚遷山陰世居陽川里祖紹曾康熙某科舉人令
四川開縣累官京畿道監察御史抗疏請建儲謫軍臺
憲廟初元放歸道卒考書玉先侍御公卒母姚孺人以
節孝受

旌於朝生子四男女各二人太孺人其仲女也生而端
慧侍御絕愛憐之年四歲會侍御初徵入臺諫而篁村
先生祖諱某者亦由蜀之彭水令陞福建漳州司馬入
都遇則權甚遂約爲昏姻廉貧無以聘則然燭拜而盟

諸神以成兩姓之好一時朝士傳爲美談云年二十二
來歸歸四十有三年卒其閒逮事王舅司馬公者十二
年逮事王姑胡宜人者五年逮事舅雙峯公者十三年
而姑章太安人則事之迄沒齒當章太安人之無疾驟
卒也太孺人病數月矣至是驚出意外忘其病奮起痛
哭頓仆垂絕良久甦遂篤不復進糜粒夢中喃喃語若
以不得躬親含殮爲罪者凡十有四日竟卒初太孺人
之在室也侍御謫戍時才八九齡卽從寡母攻織組烹
飪井井如成人故習勤而敏於事後佐章太安人侍養
堂上凡滯髦割炙與夫乾濡之羞擘捶湛漬和滲糝漉

吞松閣集

卷三古

十一

之屬必太孺人手潔以進則食而甘之否輒不御泊侍
養章太安人亦如之旣納婦若漱澣滌濯則率子婦爲
竈婢先至饋食必躬親雖病猶強起將事精於針工素
爲諸姑姊娣妯所推重尋常紉綴緝補謂無針綫迹衆
歸其妍則爭以相委始而偶然其後習爲固然遂日夕
無休時嘗冬夜漏下數十刻四無人聲鑿風挾雪颯颯
入窓戶颯榻前燈閃閃欲滅猶懷乳下兒擁被事刀尺
也坐是兩目成瘡疾疾作乃輟閒輒如故常子廷珍初
生夜善啼懼驚舅姑寢抱而旋於室又惡有履聲則起
跪床蓐作膝行勢以誘止之往往達旦暑月姑病夜進

藥經中庭蹈巨蛇蛇蜿蜒避路去至誠感神凶毒不作人皆異之篁村先生既知名四方之名藩賢侯走書幣以河渠鹽法郡邑志屬先生者使踵至先生爲負米計起應其聘凡歷幽燕吳楚閩粵足跡半天下所至動經數年雲波阻絕音問乖左太孺人一手檮柱遇儉歲益無宿儲則脫身上衣折閱市升合供堂上而均食子若女復節其餘爲姑明日作晨餐未嘗得自飽閒日食炊餅一二枚或連日不食然而晏晏温温未嘗以愁悴容色戚其姑姑至歿卒莫審知其狀也平生以廉儉自刻削爲百行根本故劬躬篤物六族無閒言論者謂篁村

吞松閣集

卷三十四

十一

先生之高惟太孺人配之且有以成之也信哉太孺人生於康熙某年月日卒於乾隆丙申某月日春秋六十有四子男二廷珍乾隆乙酉科拔貢生辛卯舉人甘肅某縣知縣娶山陰廣西慶遠府知府何君灼女廷淑已亥科舉人辛丑科進士娶同邑太學生來君某女孫男一軒聘同邑太學生王宗堯女孫女四長字同邑乙未科進士汪君輝祖子繼坊未嫁卒次字候補直隸通判何君裕嘍子某餘幼未字銘曰

存亡姑同婦以孝終相我詩人不羸其躬德昌以詩福

昌以嗣其羸孰多視此銘辭

先室胡宜人墓志銘

宜人姓胡氏其先文定公隨宋南渡世居山陰之張漙村自

章廟朝有諱昇猷者官刑部尙書有聲而張漙之胡遂望於浙祖

贈奉政大夫晉中憲大夫順之公諱壯猷司寇從弟也從宦京師復寓籍大興考

封奉直大夫晉中憲大夫候選知州南濱公諱世安卜居嘉興之郡城始著籍秀水妣裘太恭人生妣王孺人王孺人生一子兩女宜人其長也異母兄四人姊五人

吞松閣集

卷三十四

三

故行六名松字蘭君南濱公篤愛之年十八欲壻余或沮以貧不聽卒許字焉余故少孤時室有女兄三未字兄文學經畬公未昏恃先太宜人以長以教以次嫁娶力不贍而宜人時從父就養於安陸太守韭溪公署韭溪諱振組仕至河南河北水利兵備道宜人之仲兄也洎來歸年已二十五矣明年韭溪守淮安館余於署且招宜人宜人以姑老辭不行太宜人嘉之久而益賢之謂余曰新婦善體汝事我且善宜家人汝無憂長客矣歲壬戌余捷禮闈入詞館請假歸會太宜人先見背彌畱遺言以兄及適鍾氏姊屬余謹事之曰如我在時兒

歸若以告君賢其共志吾訓故余事兄姊自壯迄老罔
有關漏乖忤非宜人莫得余意也性莊而和能篤仁禮
以恒其德其祀先尤嚴家禁宰竇燕牲用羽屬市以供
而祭必特殺涪苴必躬親朔望必晨盥躬潔祠宇禮而
退時物必薦薦後則獻余乃衆給以辯偶得佳菓珍味
亦如之余故不善治生產用財閒失之過往往乏絕或
有以節嗇勸宜人爲言於余者宜人笑曰誠乏絕顧有
藉以不乏絕者姑勉爲之君嘗爲我言矣分當贊行敢
以廉物乎故雖困不悔曩寓京師食客常滿一日以匱
告余曰某衣可質以供賓宜人笑拔髻上銅簪示余且

吞松閣集

卷三四

古

指身上衣曰止此矣不然何煩聽爲力自貶削衣食不
以憂貽余類此生平不妄言笑足不踰閭夏服絺必衷
以衣從余楚粵暑演劇屏不視家居女尼盲婦戒絕無
一跡衆皆敬憚罔敢有越禮者顧遇物皆有恩意貧病
者雖踈賤撫愛出肺腑僕嫗之亡而無歸者歲必祭其
塚其他外事不妄與閒有贊助非恒德不書謹書其無
媿色者以傳信於後云宜人生於康熙乙未歲十二月
十五日酉時卒於乾隆辛丑歲十一月三十日戌時春
秋六十有七

敕封孺人

誥封宜人子男子四長師亮國學生娶孫氏師雍乙酉
舉人未娶殤師靖嘉興府庠生娶周氏師愈國學生爲
經畚公後娶管氏女子四長適國學生姜貽績次適舉
人邵培德次殤次適國學生魯鵬南孫男五承祖承宗
承瑞承祥承德孫女三次字朱銘餘未字宜人歿後越
二十有一月龍集癸卯秋七月庚寅朔越十有七日丙
午始得葬於嘉興感化鄉中一都正天圩之原銘曰
余長乎爾兮垂再葺而虛旬先休爾勞兮歸厥真龍口
之內兮竹墩之濱爾胥宇以待余兮永同穴兮千春

洪母蔣太孺人壙志銘

吞松閣集

卷三十四

五

母姓蔣氏江南武進人明禮部左侍郎宗武十一世孫
也祖諱金聲贈禮部祠祭司員外郎父諱敷淳雍正甲
辰科舉人雲南嶧縣知縣妣龔氏封孺人母生有夙
慧五歲能誦毛詩爾雅稍長熟漢魏樂府古詞習急就
章父嘗令手書以授弟若妹辨正古今字畫音訓無謬
者父奇之曰吾終不以許俗人聞同里山西大同守洪
公嶠子公案償大同官逋十有餘萬不以累弟舅受託
趙氏孤坐累冢破卒全之藉藉有孝義聲善曰是有隱
德遂以母許字公案長子翹翹字楚珩倜儻尚義有父
風昏時母年二十一貧無居僦屋臨大池隘且濕母擇

處其尤陋者暴雨水浸淫漫床下或覘之晏如也蔣氏饋以食則以食家之人辯乃啜其餘盡則已處約讓豐卑已尊物門內之譽翕然以諧初楚珩以國子監生應省試屢躓棄而幕遊母待甘旨無闕闕則斥奩贈以濟衣飾器物畧盡或謂爾家素有德於人盍貸諸母曰不可是疑有取償心其能刻苦以自有立如此洎楚珩病而歸母聞信倉卒挈二子舟迎及三十里遇諸洛社識僕哭聲號而投諸水從嫗持之免數求死不得爲不食者旬日時禮吉生才六年耳自是益困母則無早夜寒暑凡針紉織組可力以自食者率三女靡不更習而勤

吞松閣集

卷三四

六

事之龔孺人屢要之歸以舅姑命辭後一婢至見母坐濕薦中淘麥屑作食大慟以狀告乃強迎之始偕子女從龔孺人居禮吉初從母受書至禮經夫者婦之天句哭絕良久呼曰吾何戴矣遂廢是句句讀凡爾雅及諸經難字皆令手習計字分日以課未嘗出就外傳也至是始讀書蔣氏塾中已而蔣以塾滿辭出母復歸禮吉乃從里中師里中師不辨音訓夜分母爲是正其誤者日不下數十字母織子誦至漏下四五十刻不絕聲東隣有病叟惡之以手搏左壁且搏且罵母泣爲罷織而令禮吉默誦明日遂易以績勿與校也歲饑母與諸女

食糠覈而獨飯禮吉禮吉不食泣母亦泣必令禮吉食
或相視哽咽淚流灘築案閒則皆罷食起蓋往往然也
母故絕愛憐禮吉顧訓督不少假時時爲陳說祖若父
抗節厲志事以勗其成雖一衣尺寸必如先制禮吉長
出遊來歸檢衣有非制者怒曰此而從俗遷變異曰何
以自立嘗却賈人金五百而寓書禮吉云汝歸於歲入
外浮一錢非吾子矣時禮吉客某官所賈人其所部也
是時禮吉以文章經術名諸賢豪閒所至咸賓禮之母
則力食如故常而節其館穀所入舉三喪七棺厚撫從
子後先有寡者迎與共寢處性尤至孝雖貧寡必勉自
吞松閣集

卷三古

七

盡然終以不滿志爲愧恨居舅姑喪毀甚旋又哭龔孺
人遂得風疾閒歲作遂劇竟以是疾終焉母來歸凡
十有八年而寡寡二十五年而卒壽六十三歲子男二
人禮吉乾隆甲午科副榜貢生娶蔣氏卽母之兄子迪
吉出爲季父嗣後娶楊氏女三人適芮光照汪德渭史
禮孫男三人飴孫盼孫愍孫愍孫則迪吉所生也今乾
隆戊戌某月日祔葬某鄉先人之塋禮吉以狀來請銘
銘曰維糠維糝兒食不肥奚以肥之書田母遺丹鉛涕
洩殷陸離充汝笥兮貢

天靡母曰可矣勉無墮矣其旋其旋以報所天嗚呼噫

噓嚮子之閔斯吾銘其幽無媿辭

河東河使李公配萬夫人墓志銘

夫人姓萬氏福建晉江人曾祖正色國初征湖廣岳州有功累官至提督授爵雲騎尉祖際祥父毓秀均襲爵夫人生三歲而母施恭人歿育於祖母黃恭人年十九選所宜歸以萬氏與安溪李氏世昏遂適李氏爲贈文淵閣大學士兆慶之曾孫婦戶部主事鼎徵之孫婦翰林院編修天寵之子婦今河東督河使者清時之原配也河使實翰林院編修鍾僑季子出後天寵夫人來歸逮事兩舅姑以孝稱嫂娣衆處之無嫌其諸有嫌者得

吞松閣集

卷三四

六

夫人言立解以故衆倚之既久化焉李族貴而貧河使又久不第自諸生至官翰林數出遊則悉委夫人以家事洎爲嘉興守猶貧不能迎養而姑病且歿夫人一手檣柱母遺悔痛於河使河使之觀察運河也以夫人從時河使同產伯兄少司馬清芳乞養母太夫人於家夫人則歲奉衣履甘脆必親製如曩侍朝夕時並下逮女侍咸辯在官舍不關外事有語及者輒呵止之率子婦躬紡績治中饋曰子婦非閩人吾數與習吾土風使歸而安焉貧賤吾分也不可以富貴易吾素其識大體慮深遠類如此凡十年爲乾隆乙酉歲河使被河東之

命而夫人病矣入河使署十有四日而卒年五十有八
男子子二本彩本濬女子子六孫男三孫女二夫人歿
之明年本彩亦卒年三十有二本彩字延鳳國學生敏
慧能文章長益務根本之學好讀宋諸儒書貌粥粥若
無能者投以事雖衆集數至應之有餘初善飲偶醉夢
入大府見一丈夫衣冠甚偉若有告者曰此衛武公也
寤卽手錄賓筵詩以自箴遂止飲性至孝居萬夫人喪
過毀遘疾卒今於某年月日葬夫人於某原兆故本彩
擇以葬母者遂葬本彩於母塋成其志也銘曰

崇其封兮坎其中夫人之宮子以從銘於好辭永無窮
吞松閣集 卷三十四 九

浙江運副贈公席君蓼堂配顧太恭人合葬墓志
銘

浙江運副贈中憲大夫席君蓼堂暨配贈太恭人顧氏
合葬於青浦縣之某原其孤紹容以狀來乞銘余維運
副之卒歲在丙子仁和桑君寢甫爲志墓文時故未克
葬也越十年乙酉顧太恭人卒又十六年始克卽事紹
容以桑志未備復屬余銘之將合而鐫諸石余辭不得
乃爲之志曰君姓席氏諱襄字成叔號蓼堂江南清浦
人其先詳朱竹垞先生工部虞衡司主事諱啓寓墓志
工部卽君祖工部生中書舍人諱前席卽君考兩世以

君貴贈如君官祖妣吳妣徐均贈太恭人生三子君其
季也君用太學生起家以運副分司杭寧紹溫台五府
鹽運事在任數年洗手奉公謹政用肅嘗權知湯溪縣
又攝理泉局所至以能名居家孝友型里鄙青浦饑嘗
出千金粥餓者其出處皆有聲稱語見桑志年五十有
二卒於曹溪里第顧太恭人世爲吳中望族康熙壬辰
翰林院庶吉士諱嗣立孫州司馬諱日熾女數歲授幼
儀內則小學諸書輒成誦通曉大義十齡喪父哭踊如
成人年十八來歸孝事兩姑存沒一軌樛木逮下鳴鳩
均慈贊治主饋燾躬劬後咸式於典頌孚家邦運副讓

吞松閣集

卷三十四

三

宅邱嫂分金羣從及諸冬夜夏飲生藥死樁惠及行路
者太恭人皆贊成之且終身事之故卒之日道路有泣
者春秋六十有二例授奉直大夫
誥贈中憲大夫原任兩浙鹽運副使配顧太恭人例封
宜人

誥封恭人子男一紹容戶部山西司員外郎娶蔣氏候
補員外郎名某女女一適山東沂州直隸州知州蔣名
某子太學生某孫男二長世臣常熟縣學生幼世良女
四曾孫男二鼎晉銘曰

朱志章矣繼者桑終厥銘兮眎無疆固同穴兮永無傷

吞松閣集卷之三十五

秀水鄭虎文炳也著

門人欽州馮敏昌編次
男師亮師靖師愈謹梓

文

十一

行狀

誄

祭文

說

墓疏

家兄經畚先生行狀

先生諱象占字觀我號經畚又別號拾得文同懷兄也鄭氏先世居寧波鄞縣譜亡世系無考明初始祖惟得公以指揮鎮餘姚之臨山衛因家焉二世祖道公洪武癸酉舉人又七傳而至高祖敬吾公皆諸生世以文行望於鄉崇禎甲申山西按察司副使殉難死諱之尹者敬吾公兄也時大亂曾祖四維公避地隱於秀水之幽吞松閣集

卷三五

一

湖不應省試以紹興府學生終自是遂爲秀水人祖贈文林郎廣寧縣知縣晉奉直大夫左春坊左贊善子韶公餘姚縣學生著有友陶居士集考贈儒林郎翰林院編修晉奉直大夫左春坊左贊善黨參公雍正癸卯恩科舉人著有耕餘居士集祖妣宋氏妣潘氏均贈宜人先大夫年四十始生先生生之夕夢有作樂驅象若虎者入寢室寤而猶聞樂聲故名象越四載文生以虎名志夢也先生生數歲儀度如成人遇賓祭禮若素習者稍長通七經見者目爲偉器年十九而孤時有處姊三待字文未聘而先生亦未娶先大夫不屑屑治生產卒

見背且立稿餓或有以未業貧資之說進者念無以供
菽水因泣請於太宜人太宜人曰鄭氏十七傳以詩書
忠孝世其家其緒不可自汝斬吾雖老猶能率在室女
力女紅以資汝二人學母爲異說所惑乃泣受命退而
率文讀書於經畚齋齋額先大夫所顏且跋以勗其後
因自號以志不忘云旣免喪文與先生先後補博士弟
子員粗了昏嫁困益劇謀出爲負米計文曰剛正詳密
弟不如兄屈已同物兄不如弟弟請爲行者於是先生
日夕侍太宜人側而太宜人有夙疾歲數舉發發時輒
惡聞一切聲聞則驚眩昏絕侍疾者屏氣至不得息與

諸女兄更迭扶持往往至彌月廢寢食又疾非人參不
克治而文覓食四方或遇或不遇遇而有所將亦不得
時達諸甘脆參苓之奉自節縮衣食以濟而匿不令堂
上知壬戌文成進士入詞館請急歸將爲太宜人七十
壽會太宜人前卒先生一手搯柱勞毀骨立附身附棺
乃以無悔嗚呼文非先人子先人子獨先生耳胡先人
之不先生祐而遽奪其年也邪初姊壻鍾君雪艇嘗刻
先大夫耕餘居士集各國相者是也家固饒於財已而
貧甚至無一瓦之覆太宜人命割居居之姊亡復以處
姊嗣昏於鍾太宜人歿之明年姊壻卒於油閘官舍先

生往持其喪歸而迎養孀姊及其孤子女於家丙寅姊
挈子女從文於京師楚粵閒壬午歸從先生居丙戌文
亦以疾歸弟兄同七箸奉孀姊三十餘年撫其孤孤長
有子且九齡矣復自課之未嘗以勞辭先生少侍太宜
人每昏定同姊若弟一燈環坐卧榻前必寢甚安乃各
退如聲息聽小異輒徬徨達旦至是課餘聚語如侍膝
下時閒及少年事則各泣下已而又大歡笑諸婢侍久
且倦又不解所悲樂故皆相背竊竊指以爲怪蓋自丙
戌至庚寅五載中無夕不然也而今不可復得矣先生
性豪邁坦率於人無所不接獨不喜見要人而世之齷
吞松閣集

卷三十五

三

齷者尤所畏惡嘗遊淮陽閒富人盛供帳欸之且請留
笑謝曰吾不耐此去之安溪大中丞李公惠圃初守嘉
興心重之欲言於學使者用僂行以先生名貢太學適
延見語及懼然曰某辱公愛此舉示人以私也某不足
惜義不可以累公乃起趨出其巖正類此爲文高澹不
入俗或以貶格諷之卒不悔屢空未嘗有憂色客至貰
飲飲酣縱談天下事日光奕奕射四座論者方之陳同
甫辛稼軒一輩人久之不遇逃於禪閉門持貝葉如枯
僧遇有感觸英氣勃勃出眉宇閒意猶欲用其所未足
也今年二月文赴新安館執手別語及秋試笑曰吾食

餘久歲已及貢今秋尙當一往以畢吾志七月書來新安則云吾筮得明夷凶不復爲此事矣九月告病瘧謂無大苦手書紙未竟云手戰不耐書故令某續成之無以爲怪文反復字跡如平常意謂未劇然終疑之卽屏擋作歸計未成行又得書書無危言然非先生手書矣倉卒就道及杭而凶問至天乎人乎夫何使我至於此極也猶憶丁亥之歲文病目幾瞽凡藥物先生必手閱日三四臨視夜則露禱於神明年文長子師亮病卧榻者三載視其疾亦如之今文病不卽聞聞不卽歸莫適爲主醫藥雜進驟罹斯禍嗚呼文病先生活之先生病吞松閣集

卷三十五

四

不啻文死之也文之愧恨將賫此入地矣先生少遭閔凶數竒不偶年二十五始爲學官弟子又十七年始食餼應省試者十有二科卒不第行貢入太學矣遽病卒生二子皆殤初欲以文次子師雍嗣師雍又殤已而謂文曰若第四子師愈文筆似師雍可爲吾後遂以師愈嗣彌畱之夕師愈以從學新安不及奉湯藥視含殮女之已嫁者二長女先六年卒次則贅甫一載後先生二十一日亦卒天之所以阨窮之者若惟恐其不至殃祥禍福之說果不足信與悲夫先生生於康熙四十九年庚寅十一月初一日丑時卒於乾隆三十五年庚寅十

月十五日丑時春秋六十有一秀水學廩膳生員原配徐孺人康熙乙卯舉人中書科中書舍人諱三旂公孫女候選縣丞諱元發公女前卒繼娶熊孺人處士諱應飛公女四川梁萬協都司諱培麟公姪女側室王氏徐氏嗣子師愈聘雍正癸卯進士廣東香山縣知縣魯公諱遐齡孫女乾隆丙辰

恩科舉人福建臺灣府海防兼管南路理番同知諱楷公女女三長適陝西葭州知州崔公諱九錫子太學生鳳三次適丙辰

恩科副榜江西安義縣知縣蔣公名惟忻子應岐均能吞松閣集

卷三十五

五

孺人出幼未字側室王氏出先生既終老牖下其所抱負無徵不信不敢強爲道說至其剛方孝友實有無愧古人者使不存其崖畧致就蕪沒則文且死有餘責用敢以其狀告諸當世立言之君子俾幸而或傳焉

汪明經松溪行狀

余初官京師延君族人稚川氏肇龍於家塾得讀其行篋中携君所作林大光傳心愛重之余旋以病乞歸戊子客於新安紫陽書院君備次子灼從余學遂交君數載君於余傾倒無所不盡去年秋君來山中稚川亦至聚數日懽甚未幾歸里而君於是冬竟卒卒之日遺言

以其狀屬余今其孤述以固請乃往哭其靈而爲之狀
曰
君姓汪氏諱梧鳳字在湘號松溪歛西鄉西溪里人新
安汪氏爲唐越國公華後者凡十六族君之族在焉越
國二十二世孫宋江東安撫使若川則始遷西溪之祖
也又十八傳爲君祖州司馬景冕有醇德州里賴之時
婺源經師今配享子朱子祠江氏永者稱其爲協於周
官大司徒之六行爲立生傳年九十有四舉鄉飲大賓
祖妣鄭吳曹許四安人君考泰安爲某安人出終隱不
仕母某安人生二男子君爲長逮事其祖者久秉教率
吞松閣集

卷三五

六

德孚聞於家年二十二補學官弟子又十四年貢入太
學凡三應省試三黜謝去讀書不疎園中不疎園者其
祖讀泉明漸與田園疎之句感而顏其別業爲君勗也
君於是足跡不出園者十二年遂終焉君制義師淳安
方氏葵如古文師桐城劉氏大櫬經學則與休陽戴氏
震同里汪氏肇龍同出婺源江門汪氏精三禮而戴氏
於諸經所得獨多爲江門大弟子其學與江氏相出入
君亞焉江氏作君祖傳卽稱君與戴震俱研經學有著述
聞於遠近也君旣師江而又客戴氏汪氏於家汪爲尤
久久處斯夕無他語語必經義義疑輒辨辨必力持不

相下則辨益疾而君故口吃嘗咽塞不能出聲氣鬚眉
動張童僕往往背立覘視匿笑已乃復辨必彼我意通
乃已君爲人沉毅有力邁往自喜凡常俗沉溺慕悅與
夫酬酢無益煩苦之事可已而人訖不獲自己者君能
一切罷去無所顧世故罕與之暱而學亦用是能專且
久以卒底於成生平於書無所不觀而爾雅說文三禮
三傳史記西漢八家之文皆有是正論說惜尙未有成
書其成者惟詩學女爲一書顧君亦意不專此以子灼
習詩排日書示之久而卒業釐爲如千卷其中若律象
地理人物典制音韻鳥獸草木蟲魚之類援據該洽考

吞松閣集

卷三五

七

核精審集之可自成一書而於詩義或折衷舊說而疏
其未通或參悟本詩而抒所獨見皆有神解至理論者
謂漢儒病於泥宋儒病於疎惟君爲無病云書旣成取
夫子謂伯魚語名曰詩學女爲授子灼及其徒程敦程
敦者懷唐里人少常遊學於武林吳門閒負才有狂名
一日至西溪見君西湖紀遊大折服遂師君君居之不
疎園謂灼曰成吾志者程生也吾爲若得一良友矣今
松溪集中附刻杜海山事畧一首卽敦作也君古文有
松溪文集劉氏大櫬所定制義刻入新安三子課藝方
氏槩如所定三子者卽君與戴震邑人鄭氏牧也君年

不永故所著止此知君者咸爲君惜焉君精力旣大耗於學又善飲數苦下血益羸弱然未嘗以爲病母某安人在堂而君繼室某孺人能得姑懽心君倚之會某孺人卒姑哭之慟君強作達以慰其母且益憂其母越一月病作投以藥小瘥猶手書不釋寢食靡所異少日忽曰吾昨夢有延余去爲師者病其不起乎然且母使太安人知其招吾友汪君稚川來來與作別語語如平常衆皆駭不肯信已而曰吾不可歿於婦人之手其卽正寢自起而出南向坐處分家事畢謂諸子曰吾不能瞑目入地者未終子職以貽高年憂汝等其善體吾志盡吞松閣集

卷三五

八

孝養無重吾泉下之痛一切恤躄阨養老孤自汝曾大父大父及汝父所奉爲歲例者其守之勿替復顧子灼及程生敦曰吾生平著述惟詩學女爲粗有成本其餘經史文集尙多論釋散見於各書本不自信未嘗敢以示人然亦不可散失其裒集編次謹藏之言已遂不復語少選卒時乾隆三十六年辛卯十二月二十八日也春秋四十有六配程孺人繼配俞孺人並先君卒子男四人某某孫男一人某嗚呼君之爲人其可書者多然皆不備書而獨書所獨得於己者如此所以存其具於

不朽也

維乾隆二十九年月日

皇清誥封恭人印母俞太君卒春秋七十有一嗚呼哀哉太恭人故廣西太平守寶山炳巖公之配比部松汀執事之母也余與松汀有孔李之睦垂十五年矣熟知太恭人賢昨歲太恭人年七十松汀將徵言於京師之大人先生以爲壽而太恭人敕罷其事余聞而心益重之今年冬松汀已具牒請急將歸而太恭人之訃至余卽館唁則號泣泥首以請曰願先生誄之死且不朽於是且泣且爲之狀曰太恭人年二十喪母卽能撫其弟

吞松閣集

卷三十五

九

妹如老成人主內政井井有法度及于歸出母篋笥奉外王父封識漫滅緘藤宛然啓視則皆母所遺物也吾祖聞之喜曰是真吾婦矣旣來歸祖母遘疾卧牀蓐飲食卧起必資太恭人三年雖極委頓至廢寢食終不以委諸娣姒洎病革執太恭人手泣曰果報倘如釋家言來生願爲汝婦言迄而逝越數年祖父歿歿時亦曰曩者汝姑願爲汝婦以報汝我則願他日汝婦事汝如汝事我也嗚呼哀哉太恭人時爲不孝輩道此語輒哽咽不能出聲不孝輩兒時見其然卽至終身未嘗不然也祖父歿貧未葬雙棺在堂時吾父初以宦遊去家家

寶山故瀕海海溢平地水陡立數丈家中人咸惶遽走
避水促太恭人行太恭人麾令疾去毋俱溺而自挈諸
兒女痛哭伏棺上誓與同存亡水不及棺蓋者三寸許
卒不沒比水退出眠同里彌望殘破而家獨完好人咸
以爲至孝所感至今里中人猶能言之嗚呼哀哉若其
他黽勉以襄有無均平以字支庶公忠以勗後人推解
以恤里黨隨舉一節良皆可用稱說而在太恭人猶爲
小善餘美不孝又在昏迷之際故不具詳粗述其孝德
之大者以告於先生先生其誄之余聞而歎曰嗟乎是
真可以誄矣遂作誄曰嗟母自幼覲閔含諱椿林日暖
吞松閣集

卷三十五

十

萱背霜飛宛宛我妹我哺我衣晨襟夜枕身癯淚肥耀
首秦珠充耳楚玉錦襦繡裳螺黛蛾綠昔爲我容今竟
誰屬眷焉顧之清淚盈矚封織緘藤於今八春迨冰之
泮枕實旣蕢出反於父翁聞則欣之子于歸宜家宜人
姑也無祿邁厲虐疾扶持抑搔飲食盥櫛豈繁無人姑
也母暱不敢告勞三歲如日姑泣而訣今汝事吾期以
他生我婦汝姑亦越數期翁也云徂惟亦有言心傷淚
枯庚庚雙棺奠空堂兮謂神孔安靡永傷兮秋風怒號
海波揚兮激野滌荒浩湯湯兮旣嚙我城爰及我屋我
子我女我顧我復我翁我姑同爾顛覆憑棺長號海水

倒縮龍蛇既平雀鼠既寧乃瞻我廬不震不驚乃瞻我里或陔或傾維母之孝格於神明母相夫子克婉克順雜珮問之雜珮贈之維古有言今克信之凡今之人尙或聽之母字諸孤異子同育母字諸雛異出同腹惟鄰之居母曰母粥惟鄰之家母曰我畜惟子之賢作宰翁源子讞疑獄母則破顏司勳司刑郎官載遷母附書至曰維勉旃昨歲令子念爲母壽徵言於朝母聞曰不嗟我未亡母使心疚悠悠斯言永矣難又嗚呼哀哉天不憖遺需子假歸部牒朝投訃音久來玩風烈烈朔雪皚皚撫茲棘人增余慟懷嗚呼哀哉

吞松閣集

卷三五

十一

誄胡宜人卽書遺像以代讚

溫溫宜人實維我相哀我偏親以教以養室汝後時饑來驅之無非無方寧親慰羈恒德首善慎終追遠母貽我雇用是蹇蹇勤以代匱儉不廉物如彼行潦河酌斯汔舉動不愆內則之篇鍾禮郝法會何足言優歌盲詞非禮勿聽表締擁絮惟故之勝薄身厚物居鄙行鮮古之君子誄以勿誼嗟此闡德孰究孰圖哀以送之往從汝姑姑而問予予客海濱癸卯余館王給諫顯會宅予不汝卽哀哉

鮮民

祭天后祝文

維神孝格天心靈昭海甸疏朝宗於大壑嗣禹之功宏
利濟於慈航配媧之德固已四溟是總億載爲津清晏
效祥明禋永肅文往經袁浦荷持覆於停沙久客春明
遲前盟於獻服茲膺

帝簡行跨瓊臺爰製錦而薦玉衣更刲牲而陳紺殿望
洋不歎幸同杯渡之安彼岸輕登縞冀馬當之助庶不
愆夫

王事尙克鑒夫臣心用敢陳詞伏祈來格

祭江將軍祝文

維神川嶽英資乾坤正氣舍生取義殲狼虎而雷驅灑
吞松閣集

卷三五

十一

沈澹災馴魚龍而海晏

帝嘉乃績稊祀斯隆民奠其生薦馨斯在文衡持東粵
槎渡南瓊遠載

皇靈默祈幽贊波恬颺息不驚檣上之烏風正帆圓穩
送天邊之鷁臣心如水貌此

王人神鑒其衷護茲使節敢陳微悃尙克居歆

祭王建人文

嗚呼哀哉積善餘慶不善餘殃由君觀之天道無常念
君之先門衰祚薄而翁聿興如翔野鶴游憩圖史酣嬉
杯杓終以不遇息影巖壑憶癸亥春而翁挈君來請余

曰余實旅人年又衰老而家甚貧惟子與我如骨肉親
敢以吾子爲子之子慰我生存洎於沒齒嗚呼斯言婉
婉在耳胡天降罰慘酷乃爾自君之來於彼衡湘握手
絮語云翁道亡車過腹痛昔懺今傷語悲聲斷夜燭蒼
涼迴首鄉路悠悠五千自楚入粵於今三年昨君送我
竹外花前今我哭君風淒露寒聞病軟脚謂藥可痊庸
醫殺君奄然九泉不忍再讀將雛燕篇余贈建人詩篇名君書
求歸答君少止曰同兒輩歸及春始悔不聽君誤君至
此君有老母誰奉甘旨君無兄弟誰撫弱子君生而貧
何況於死嗟我窮宦半菽不飽力不逮心何以永保而
吞松閣集

卷三五

三

子吾孫而母我嫂惟力之從以慰厥考匪秋伊冬歸君
之靈今此暫寄魂其載寧撫棺莫痛執筆涕零攄誠告
哀君來居歆嗚呼哀哉

祭提督廣東軍門胡公文

維公篤生八閩之傑系出安定世載明哲如彼醴泉涌
地自潔如彼芝草不根而苗少負材武熟於孫胡穀城
元水手追心摹荆鐘吹刃申戟轡弧衆工歸妍謂之曰
無公乃杖策自拔於行會有劇賊於潮之疆跳波藪嶼
昏聩陸梁公手縛之如探諸囊公名始宏被薦而起旋

或中之

召對申理

帝廉其誣不怒則喜受知益深大任降矣憶自偏禠陟
茲元戎四遷其地再臨於東亦有弦望如月盈冲不懈
益虔

天眷彌隆公昔泣吳歲云薦饑彼澤之鴻爲梟爲鴟滋
憂蔓草斬非亂絲以鎮以撫民咸德之公初南來計旬
未七有盜伏莽謀掠刻日公乃先之臨以斧鑕窵迹塞
蹊靡匿靡逸相公之度如鶴斯翔試公以事如鷹斯颺
外和內朗體柔用剛允文允武云胡不臧緬維五管南
交鎖鑰山海盤迴民獠糾錯通蠻達夷地大物博誰歟

吞松閣集

卷三十五

丙

巖疆堪此付託

帝顧將臣無如公賢往遷於閩榮以錦旋暫移於浙及
期而還復此駐節於今三年間公之來兼程觸熱六月
修途二豎內孽俄以愈聞載慰饑渴曾幾歲時而遽永
訣嗚呼哀哉維夏之仲公來會城習射於圃貫蝨飲餽
肆筵於堂飛羽卧瓶事往在目悲來填膺嗚呼哀哉天
不憖遺帥此南服爾士爾民街號巷哭嗟我同官功過
誰咎啣哀叙誠淚雨撒菽嗚呼哀哉尙饗

采鹿堂說

采鹿者淮安太守姜公禹門所以顏其堂者也初太守

與其兄觀察公讀書天雄時有能降仙於此者就而請之爲書采鹿堂三字因以顏其居自後遂各致通顯而太守之令嗣又皆能振景拔迹相顧以起今構新居於姑蘇仍顏以采鹿而屬余疏其義於後余曰采者事也書曰載采采又曰亮采惠疇是采爲浚明有家之象而鹿與祿同音故唐麻安石以得鹿爲得祿今之享選士而貢於朝者歌鹿鳴之章且以名其燕則鹿之義或者其在是歟余聞瑤光散爲鹿是爲星精形斑龍名得乾之健故最壽歷千五百歲其色白王者孝及德至鳥獸則見漢時因以爲皮幣王侯朝覲享聘必用以薦璧今吞松閣集

卷三十五

五

諸公子遭際休明固已如應瑞之白鹿待見於世其必有飾以藻績藉手以獻者區區隨車挾轂之祥不足稱引矣又聞鹿六十年必懷瓊於角下角有斑痕紫色如黠行此所謂采也然則采鹿其懷瓊之謂歟韞匱待賈聖賢重之余敢爲仙靈廣其未盡之義焉是爲記

募修海安江將軍祠疏

乾隆辛巳九月余歲試雷陽旣蒞事將按部瓊臺吏告曰海安有江將軍祠凡渡海者必禱而濟禮也余叩何神吏不能悉退考郡志將軍故

本朝雷州府副總兵官以追賊溺海死

世宗憲皇帝敕封驍騎將軍建祠以祀記所云以死勤事則祀之者是也余乃爲文祭告於祠禮畢周視廟宇湫隘庫陋體制不稱其守祠孫某出見年十許歲儀度恂雅具言祠後屋壁穿漏不能奠朝夕以奉先靈言已狀有戚焉余聞往者瓊海驚險覆溺時有將軍數見神於海上數十年來波恬浪夷渡者如亂平流此誠

聖天子醇德釀化徵應清晏之瑞而將軍之爲靈亦用是彌復警動耳目以故人咸德將軍益嚴事將軍顧獨於祠猶因仍陋畧似與妥靈答祐之禮有所未安夫釋道二氏無勞於國無澤於民紺殿琳宮窮泰極侈有不

吞松閣集

卷三十五

六

惜傾貲以助者如將軍祠而置寬隘完毀於不問可乎雖然余過客也有志未逮謹捐俸爲大人先生之往來斯土者倡並述鄙意以告願各隨力量輸俾得觀成不日所謂先民而後致力於神者當在斯時矣至或徙祠而改卜爽塏或因祠以增飾崇麗經營荒度則惟雷瓊之當事主之余何贅焉

吞松閣集卷之三十六

秀水鄭虎文炳也著

門人欽州馮敏昌編次
男師亮師靖師愈謹梓

文十二 題跋 書後

書定南令胡葛山聽訟記畧後

令於長民之官位最卑自令以上而刺史而監司而藩臬督撫皆得制令死命故事之惟謹令謁大吏大吏南向坐具服進北面三頓首趨而左跪一足問安以事啓或更端均跪如問安儀必視色可否乃進說然猶囁嚅縮粟不敢竟語稍忤斥辱隨及令惶遽伏地免冠頓首稱死罪良久怒已命冠冠命起復頓首謝乃起大吏過

吞松閣集

卷三十六

一

治所先期置頓宿具供帳凡館舍器用服食下及僕隸輿馬芻糧屏屨之屬畢具至日迎郊外大吏坐安輿呵殿冉冉至卽道左跪吏一人執謁前趨跪報銜名已令俯而趨傍輿跪問安大吏顧視頷之輿過復狂奔至頓宿所立館舍門外候人乃退及去送之郊如迎禮畧不謹必獲譴甚或以事去之故日惴惴以善事大吏爲事志氣懦下不復振奮民亦習見其側媚曲謹狀滋輕之桀黠干紀者都不聽治而吏日以衰替令所治地大者或數百里小者亦不下百數十里凡薦紳士庶徒隸卒伍以及釋道無業之遊民皆世衣食其地於是有社稷學

校典禮之重有田廬關津百貨賦稅之人有水旱劫殺
姦偷鬪訟之事咸於令一身任之非廉仁誠信練習民
事有威重者不足以鎮夫天下衆邑之所聚也一令賢
則一邑治天下之令皆賢則天下治顧令不必皆賢而
亦未嘗無賢是在大吏正好惡慎取舍知善伺候甘屈
辱如奴隸婢妾之所爲者必不可信而實求之人民政
事閒以殿最其賢不賢而上之

朝廷伸其誅賞誅賞當而凡爲令者勸凡爲令者勸而
謂天下猶有不治之邑者未之有也余讀定南令胡君
葛山聽訟紀畧其中如雪賴振輝之枉獄察李廷顯之
吞松閣集

卷三十六

二

誣服辨林甲之毒以鄰女驗鍾婦之死以傷孕嘗血而
知自刺視舌而知盜牛發奸摘服號稱神明一皆以誠
求得之未嘗事刑威也東里之不能欺單父之不忍欺
殆庶幾焉余聞定南俗好訟訟有主者主者卽城東南
西門畫地分三黨揭號樹蔽構鬪樂禍傾富陷貧習爲
故常胥役因緣爲暴勢尤橫役衆至數百人家各具鎖
若鏈有所鈎拘不論罪有無重輕輒銀鐙驅牽行道中
至則閉置班房班房者係俗稱衆役人值所休止處也則
又係之柱令背倚僵立至不得寢食溲溺役則箕踞坐
視嬉笑嫚罵或笞撲之以爲戲樂賄求始稍稍得釋諺

云寧入囹圄毋入班房可以知其酷烈矣葛山下車毀
班房汰役收鏈鏈綴名牌內之署用則給畢則繳於是
無敢有擅係人者久之鏈至土蝕不可用役之假威噬
人者咸自求退訟日益稀主訟者日益衰三黨解散五
載定南大治若其他課種二麥以足食清釐社穀以待
荒議寢開河以息事請免料田以安民事不在聽訟之
列而爲紀畧所不載者迄今婦孺都能道說前事深去
後思則葛山非僅僅以折獄見者也大吏誠能以其名
上聞俾得振拔出同列上則凡如葛山與不如葛山者
咸勸卽凡爲大吏者亦各舉如葛山者以勸其下吏治

吞松閣集

卷三十六

三

蒸蒸日上無疑也卽不能俾長爲定南長定南民猶可
永食其福乃卒以不善事上官思逐之又惡其無辭竟
以諱病戀職去之嗚呼惜哉去之日傾邑祖送奔號聞
咽至數十里不絕然則葛山無論不病卽病雖令其卧
而治之可也奈何以世之中風狂走者爲不病而反以
葛山爲病哉葛山名澤洪湖南寧鄉人戊午孝廉先爲
山西岢縣令司民德之亦如定南云

書熊鶴嶠同年送令兄曉谷遊直隸制府方公墓

序後

余向居京師以懶聞寡所遊處使楚粵五載歸益閒放

如世外人而鶴嶠以閒官性又余近時從之遊故得熟
聞曉谷善畫名甚欲因鶴嶠以交於曉谷計必得其一
木一石爲子孫世寶而鶴嶠曰此吾家高士也厭苦人
事願俟異日爲君得閒以請今年春余就鶴嶠齋飽觀
所藏漢唐碑刻及名人字畫真蹟最後見畫山水册二
十四幅疑爲前明人手筆詢之則曉谷所作也因遂復
申曩者之請鶴嶠曰斯言不可復矣曉谷已爲宜田制
府取去明日且行嗟乎天下事有近在耳目几席閒往
往以易遇而坐失不得遇亦有以爲乖睽隔濶萬萬無
遇理而竟或一遇遇與不遇人事之不可料類然豈獨

吞松閣集

卷三十六

四

余與曉谷哉顧念古今來豪傑建豎非常當其乘時赴
機若風雨雷電之暴起猝至無得以因循姑待之說起
而撓敗之者故曰日中必蕤操刀必割蓋言時不可失
也余今者亦旣老矣含恥徒毅行且沒世聊欲附古人
後託空文以自見而耳目贖耗精力衰替度亦無可復
用追悔少壯忽忽坐廢如今日之不遇曉谷類者正復
何限而不遇曉谷其小者也余往聞人言沈石田先生
嘗苦困於筆墨將避於鄉不言所之呼小艇徑去不知
尾而行者且數十舟也及登岸入門坐未定人踵至各
挾縑素以請先生欣然應之無所忤率滿其意而去至

今吳中人傳爲美談夫曉谷今之石田也余非卽尾而
行者之一人乎其必無所忤而能滿吾意必矣然則余
與曉谷必不遇而後可一遇以視傾蓋閒輒握手出肺
肝者差爲不苟於遇矣而特恐終竟不遇將因循姑待
貽悔少壯者彌復致憾於此日之可惜也用敢附書鶴
嶠文後以代得閒之請

書王觀察礪齋消寒詩後

君之嗣君衣聞太史周謨儀部與余有孔李之睦因得
交於君君亦用是不以余爲不肖時相過從且出近著
消寒詩依上平韻凡十四章示余余讀而善之君以相
吞松閣集

卷三六

五

門之賢歷試民事所在有異政今由郡守晉監司待
命闕下故宜早夜籌所以答

聖明澤黎庶者度未暇區區以詩文自娛且京師爲名
公卿與四方賢士大夫萃聚遊處之地所云軫接水蓋
成陰者風實舊矣故雖宦閒曹職文章者率困苦於此
鮮能息影鍵戶擁鼻作洛生詠而況於外宦耶外宦之
來則亦摸羔雁謁要津奔走無休時稍休輒又爲朋舊
招邀燕樂牽牽以去無論無所作卽有所作亦不過酬
酢慶祝哀誄數者絕無與性情學問之事而君獨閉戶
却掃苦吟自怡疑若就養子舍有終焉之志者抑獨何

告余曰此卽向爲女所嚙處也余視之信惜沈傳失載
餘語皆與沈傳符今京師所見孝女傳舛錯遺漏遠不
逮沈足下正之甚善然臆決非實故書此以告足下尙
須索得沈傳合考其蹟庶足傳信耳

書潛山彝墓記後

余少讀柳州襄陽丞趙君墓誌至其銘曰百越蓁蓁羈
鬼相望有子而孝獨歸故鄉不覺揜卷流涕默念天下
凡爲子不幸而覲此者宜無不爾也長而縱觀羣書如
趙丞兒者亦往往而有顧竊怪目未得見見則類多生
去其父而悍不一顧者死父則又何望久之聞有翁孝

吞松閣集

卷三十六

八

子事孝子名運標餘姚人父客楚不歸孝子幼罔識所
在長而孑然走數千里得遺骸於湖南之道州以歸已
而以甲科起家知道州事民感其孝刑措不用余視學
其地猶聞土人口不忘翁孝子也又久之余客新安且
五載得讀方君淮潛山彝墓記記贈公如珽彝其曾大
父匱於潛山之黃石坂得之石洞而作也贈公大父先
曾大父歿父歸娶而曾大父卒於潛山會明亡兵亂道
梗贈公幼孤泊長翰山程氏年七十許宜知訪之猶存
婢爲言從姑嫁長翰山程氏年七十許宜知訪之猶存
云曾及見曾大父歿時狀遂偕往至則叩金城寺僧僧

喃喃如老尼者輒心惡之戒後人毋蹈此蹈此且爲奸盜媒其識見正大都類是有僕婦馮早寡或將奪其志母喻以義遂感悟母收恤之俾終守焉易曰信及豚魚不及豚魚不可以爲信也詩曰孝子不匱永錫爾類不錫類不可以爲孝也今節母能以其節成己及人證以易詩所云知其所以完此身以全歸者爲不苟矣漢末蔡邕謂涿郡盧植曰吾爲碑銘多矣皆有慚德惟郭有道無愧色耳余三復斯傳有同此歎因復掇述所聞一二軼事附書傳尾以告世之讀斯傳者

書會孝女事示羅孝廉臺三

吞松閣集

卷三十六

七

曾孝女名衍綸山東長清人父尙增湖南郴州牧性至孝母病疾侍母寢處乾隆戊寅冬某月日天大寒老嫗熾火於母室守幃外薰衣寐衣焚及幃時漏下已四十刻老嫗驚寤出呼救家人毀中門人欲張突入火中挾女出女嚙挾者手及骨負痛釋女女復奔入火中抱母死年十有五郴民哀之祠焉明年余按試郴州永興令今遷東平牧沈君維基出所作孝女傳索余詩且言親出遺骸灰燼中兩骸相鑿結卒不可解見者無不泣下云願其傳不載啗手事未幾尙增歿其僕有給事余幕中友者卽挾女出火中人也道其狀甚悉因指手閒痕

歟或謂君少負門閥以雋才馳聲當代一第進士再舉
詞科咸罷去出爲吏積勞垂三十年以監司同諸後生
在部爲選人意不自得故一於詩以破除之果爾則君
之詩無大異於世之不詩者而何以詩爲君曰唯唯否
否而不見夫時乎木落風饗歲云暮矣而余之來適際
之而余之齒適似之適似之而又適際之則亦適然而
詩之其詩之止於十四也詩以寒始故韻以寒終若曰
過此以往未之或知也云爾而他何知焉嗟乎是言也
其知道乎道在寒不必必在寒而詩其寄也知道故不
必詩亦不必不詩而消寒其寄也君特其寄耳而余乃
吞松閣集

卷三

六

斤斤以刻舟之見求之甚矣余之惑也

書朱節母傳後

朱節母婁孺人旣歿將葬其孤煥因其從父獨山公槐
以朱宮贊草廬先生所作節母傳來乞言於余余與朱
故舊戚熟知母內行修謹徵之傳益信宮贊性耿介慎
許與爲文期必傳於後生平未嘗肯以一字假人用是
世之操厚幣乞志傳以諛朽骨者交走公卿閭卒無有
敢干宮贊者卽干之亦謝不答乃今獨爲文以傳節母
此可以知節母矣余聞節母早歲卽屏葷酒終其身若
嚴守戒律者顧性不佞佛每見婦女有膜拜持誦佛號

指普同塔曰此吾亡師亂後斂戰骨處也恐入此中矣
乃相向哭復徧跡之用坂人言求石洞得敗棺啓視髻
盡落得白金簪於髮從姑驗之信乃負骨歸歸距其曾
大父卒時已五十有六年矣余用是而歎孝之果可通
於天也夫以音容未接之孫又當陵谷變遷之後白骨
如莽盡歸僧塔矣豈復尙冀有人能知之而告之者卽
告之矣或其從姑已不及待而死從姑卽不必死而族
家之婢亦老矣苟先從姑死又烏知長翰山尙有十四
齡曾識大父殮時縮髻一簪之從姑在也嗚呼豈非天
哉夫天者天下之人之本而祖若父者一家之人之本
吞松閣集

卷三十六

九

書程孝子事

本無異本也故天可得而通通於天之爲孝而孝故凡
爲子者宜無不爾也而世且以爲奇行也悲夫

程孝子名文元歛之洪坑人生而質魯然嗜學家故業
賈孝子屢躋童子試其家人勸沮之年且四十矣卒不
悔性至孝侍父母側雖長嬉戲如兒童時意若可以終
身會父歿一慟幾絕已而自責曰吾今知父母之年果
不可不知也天乎吾罪其奚贖乎於是事其母益謹皇
皇若旦夕閒卽有不可爲諱者遂病瘠未幾母病且篤
習聞人言剖股可愈病迺剖左臂肉和藥以進翼日瘳

則又大喜曰吾肉其足用矣自是瘠日益甚人無知者其姊氏廉得其狀不言而心憂之數年母復病露禱於庭左手掣佩刀將割其右臂姊氏自後牽其肘曰若不惜死死且爲母憂因相持而泣俗謂割股有知者必不效孝子佯許之姊氏與俱侍母病不頃刻離母旋卒孝子以首擊柱而哭曰姊誤我毀甚杖不能起旣殯廬於墓將終焉三年家人迫之乃歸歲數往叩墓門涕泣呼父母至於今常然孝子常從余學試輒蹶鄉人咸笑之嗚呼蔚宗文人而以叛逆殺其母太真烈士而以絕裾棄其親吾不知視孝子何如也故爲記其崖畧告同志吞松閣集

卷三十六

十

者爲詩文以旌之

書熊太史五十自壽詩後代作

世言五日生人不利於父恒忌之然舉者多貴顯身都將相自田文而後可睹矣而唐崔信明獨不顯十史以其文采當之五日生信多顯者與同門友學橋先生五日生生五十年初度爲詩如千字以示余余讀之黯然以悲旣而歎曰學橋可以顯矣容有從傍起而笑曰其奚恃而顯哉其在翰林也二十三年矣不晉一階閉戶息影終歲足不及貴人門將顯以位耶而固已落落如是將顯以文耶讀書破萬卷通百家言甚似而幾矣顧

性懶散著述放失又不屑屑存省爲傳世計其奚恃而顯余曰唯唯否否子亦覽夫古平古之卿相其姓氏或傳或不傳傳而以功名著者蓋寡然舉其數猶多於世之以孝德傳者此以知其難也夫於田號嚙指痛聞雷呼蓼莪廢百世而下楚若己遇同觸悲涕落不已惟其情之至也學橋生四歲而孤母教斯崇旣長旣任以旌以封得告歸待怡怡愉愉母不密線子不絕裾孝養以終而又何憾與然而哀哀之音淒迷纏綿讀者心動曾莫能以終篇以視密之陳情修之表阡其感人也古今人畧相及焉五十而慕余將於是詩信之若夫依門

吞松閣集

卷三六

十一

戶走勢利愧先世辱遺體良非守身事親之義不足爲學橋道卽所云五日生而以位顯者則田文狡王鳳擅胡廣諂鎮惡貪徒以富貴震耀庸衆人耳目識者羞之其以文顯若信明者似矣顧於德行無聞焉余咸不敢舉以似學橋也且學橋以文章扇譽久矣又際盛明備侍從異日者淵懿純茂之行積而

上聞列在卿相於是本孝德以被之上下澤及後世又烏知位不足顯學橋者學橋不終有以顯其位耶則學橋之所恃甚大且遠而奈何曰其奚恃而顯於是笑者大慚遷延避席而退因叙其言書學橋詩後且以爲壽

書張君雲錦新安竹枝詞後

鐵珊先生少負雋才爲當湖陸陸堂先生甥盡得其舅氏之學以詩名禾中者舊矣一時名公卿慕其才爭延之幕中足跡半天下久之不樂謝去不復出以詩學教授其鄉人四方之執業請益者無虛時吾郡故多詩人而先生常爲諸公祭酒今年春余客新安先生亦來訪程君蘿補於東鮑潭蘿補故常問詩於先生者也居數月出所作竹枝詞八章示余讀而善之謂其風格絕似竹垞鴛湖櫂歌櫂歌凡百首携李之風土人情古蹟物吞松閣集

卷三十六

十一

產成具其體猶之竹枝也今先生曷廣之如櫂歌之數以補古歛志乘之缺而水郭山村且盡得捆載以入歸橐陸生使越之裝烏足方斯高致耶果爲之文請操筆從先生後先生其有意乎敢請

書王石谷擬曹雲西林亭幽趣卷子後

余聞石谷論畫云皴擦不可多厚在神氣不在多也又云氣愈清則愈厚今觀此畫其神氣不媿清厚二字雖擬雲林筆意而本來面目自在此如虞褚臨蘭亭各自有妙處在也爲書其後而歸之

敬錄

先大人寄世父餉菱詩以應趙甥竹初索

書之請并識其後

此先嚴康熙戊戌居幽湖莊涇草堂時遺句也世父秦濤公居吳江之盛澤而世父長子博也先兄同居草堂世父以西蕩鮮芰餉先嚴賦此以寄詩中所云奴劍立者卽不肖文也時年五齡詩卽是時口熟焉今又六十有五年矣往歲余主講崇文竹初以素冊索書久置行篋不復省記今年館張溪王給諫之十二研齋新夏涼意如秋偶檢得之自念老病廢書及今猶可勉塞所請意欲錄先人遺言以貽之稿本缺於攜帶因憶是詩真家庭骨肉性情語也且一詩而世父秦濤公季父廣寧吞松閣集

卷三十六

十三

公咸於是乎在用敢敬錄以歸之竹初吾書不足存竹初幸念所自出藏之以示後世子孫豈徒曰渭陽情乎

跋鶴嶠所藏李穀齋副憲江臯圖手卷

當今畫手世推穀齋副憲爲必傳而贗者亦復雜出凡購副憲畫雖贗本亦都喜購得之用是假以資衣食者徧京輦矣此軸江臯圖出自高司農家深秀蒼渾尺幅而有千里之勢信蘭亭真本也余昨自嶺南回放舟長江排日行圖畫中惟恐其盡今展卷恍復置青山碧水閒也鶴嶠能卷贈我我當橫之壁閒日夕焚香坐卧其

跋半緣居士集聖教序詩冊

半緣居士少負不羈才輕施與重然諾以任俠馳聲江
南北江南北之賢豪長者亦樂與之遊每當觴酌星流
簫鼓雷動賞花之詞貫珠酬歌之縑束笋酣嬉淋漓意
氣壯盛或方之石曼卿秦少遊云顧余慕其人未之見
也其令嗣俠君往嘗一過余舍裘馬輕肥騶從輝赫奕
奕有乃父風盤桓彌日爲長歌一章贈之今且逸其稿
矣別去不復相音問昨歲來京師意外握手面目黎黑
鬚髮蒼素各不相識追念疇曩蓋於今已三十年矣爲
問別後情事默不忍語第言今有老母在不能養浩然

吞松閣集

卷三十六

十四

爲此遊而實悵悵無所適也余念居士揮金如土其所
振拔後爲顯官者殆不一二數而卒無一人憐其後人
而收恤之此廣絕交論所爲泫然於西華之練裙葛帔
而作者歟嗟乎余故少孤貧不能養母洎得升斗之祿
又不逮親之存余與俠君年齒相上下而俠君猶及爲
負米計走三千里外其可悲也抑又可幸也余今老矣
於世爲陳人無所補於俠君而俠君獨眷眷以故舊視
余且出居士詩冊索言於余余旣自悲因益悲俠君而
爲言其如此以見死生盛衰之間有足慨者至居士之
詩法書法王彭二跋盡之矣故不贅云

書百壽圖幀首

余嘗見近之頌禱慶祝有託隱語於繪事者畧舉數端
則有圖蓉桂圖鹿圖鉞若磬者此卽本古之以深燭爲
深屬以圍棋爲違期以栢爲迫以星爲心以慧爲意之
類通其意而寓之畫者也若爲壽者圖鶴鹿爲射策甲
乙科者圖桂與杏猶箴則進幽風圖諷則進范蠡五湖
圖皆取之古事其來抑亦舊矣至於初度日爲壽日行
介壽禮非古也然世競尚之不可以廢凡親串朋好醵
金製錦爲屏幃則必取當世之有道德而能文章者一
序以爲重其餘之效祝嘏者率以詩而繪事無聞焉顧
吞松閣集 卷三十六

五

未有不文不詩不畫而以書爲慶且祝者今年春有福
州人萬年者工篆書書百壽圖以遺余余曰壽壽也百
壽上壽也是圖而非畫視畫則彼假而此真有書而無
詞視詞則彼文而此質維真與質壽之本也况自蒼頡
造字以來歷千萬世而永存者莫古於篆則亦莫壽於
篆而且蚪斗雲鳥鐘鼎籀鼓斯碑體備於是則所謂諸
福畢集者其視此矣因受而藏之以待齒德之勝此者
而歸焉攜之來新安歲仲冬爲

聖母皇太后萬壽普天同慶之月時余友金吏部復堂
先生年七十有三矣而德配某夫人亦於是月爲七十

壽長君侍御次君中翰官京師京師士大夫咸進臺萊之章而里中人之躋堂稱慶者傾城鄉而往焉余聞之曰萬年之圖得所歸矣乃爲之說書諸幀首以獻

華亭程老師信天吾齋額跋

華亭夫子早歲以名進士起家歷膺民社垂四十年襍被歸里閉戶洛誦罕與世接因自顏其齋曰信天吾而命文書之文起而請曰昔公宦燕時不嘗有信天不逐魚鷹飽之句乎此素志也而今乃克遂矣雖然天生公才未大用心將有所待以顯顯則爲端門之鶴阿閣之鳳耳區區信天何足自況且公體貌中充外腴望之僅吞松閣集 卷三十六 十六

如四十許歲人宜及時出任天下事况今又疊遇國家慶典千載一時凡在藉臣工咸祝

釐闕下推恩類錫物靡不被其休者公顧蕭然自托於此文竊惑焉公乃靦然笑曰若所信者人也余所信者天也天者莫之爲而爲莫之致而致者也欲爲其所莫爲致其所莫致是謂信人而逆天逆天者不祥故中庸曰君子居易以俟命不俟命則必行險徼倖而爲小人之歸故孔子曰不知命無以爲君子也孟子曰存其心養其性所以事天也不知命必不能事天不事天必不能存養其心性夫心性吾之心性也自棄其心性是自

棄其吾矣詩曰永言配命自求多福此言不棄其吾者也書曰天作孽猶可違自作孽不可逭此言自棄其吾者也棄吾而有得於人者謂之孽不可謂之福古今來折足覆餗負乘致寇傾軛繼路而鐘鳴漏盡夜行不休者多矣此無他信人之所致也夫信天而後能有所不爲者中庸俟命之學也信吾而後能有所必爲者孟子事天之學也余也守之終身最之暮齒懼莫克終故命若書而懸之以當座右之銘他何知焉若夫信天特水禽之微者耳其視淘河漫畫勞逸差殊抑亦委心任運者之所託而非余之所取也言未竟文懼然避席而謝

吞松閣集

卷三十六

七

曰命之矣乃謹次其語以復於公公曰其并書之是爲跋

書邵侍御薈村侍史抱琴圖幀首

天之元地之黃其色也然而無聲於是以風霆之盤薄雨露之滴瀝雪霰之飄灑驚濤急湍懸流飛瀑之奔騰蕩瀾者爲之聲而天地亦遂以聲傳若夫日月星雲雄虹雌霓之章於天山川草木鳥獸蟲魚之傳於地莫不各聲其聲各色其色卽推而至於物之無色者人皆能色之物之無聲者人皆能聲之而天下遂無無聲色之物亦無無聲色之處烏得斤斤以妖麗艷冶之容而名

之爲色以淫靡柔曼之音而名之爲聲也哉夫妖麗艷
冶淫靡柔曼之聲與色亦聲色中萬有之一耳使人果
能同此一者於萬有則聲色亦何罪於人而必如虺蜴
之不可近鴆毒之不可觸歟吾聞柳季賢也而擁艷於
終夜仲尼聖也而忘味於三月孟軻功不在禹下者也
而曰今之樂猶古之樂又曰不知子都之姣者無目者
也推而上之舜有二女之果南風之琴文有寤寐之思
鐘鼓之樂古之神聖賢人其卓卓天下萬世者必不如
木石鹿豕之頑然漠然可知也特人非聖賢而又不能
棄意絕累遊虛遁空蘄至於木石鹿豕以自全於是妖
吞松閣集

卷三十六

六

麗艷冶之色得而蠱之淫靡柔曼之聲得而溺之此蠱
之溺之者之過而與聲色無與也嗟乎頑然漠然無情
而不可爲也蠱之溺之縱情而亦不可爲也然則必如
之何而後可曰太上化之其次空之又其次制之雖然
化則忘空則絕忘則聖絕則佛是皆不可得而幾也於
是因其難化也故空之因其難空也故忘之因其難忘
也故絕之因其難絕也故制之制之以不絕絕之以不
空空之以不忘殆於忘之殆于化之則固未嘗縱情而
亦未嘗忘情要祇以萬有之聲色還之萬有而我不存
焉聲色亦不存焉我與聲色不存而又皆存焉其庶幾

不入於佛而或希於聖矣乎余同年友侍御蒼村淡然無聲色之好者也顧作小影貌青衣豐頤秀靨綽約婉麗抱囊琴以待儻卽阮咸所謂未能免俗意歟抑或泉明之間情賦無絃琴歟蒼村曰目不留艷耳不稽響天下之足供人玩者鮮矣虛耶實耶等耳吾不能爲天下之所爲而亦不必不爲天下之所爲也聊以寓諸圖子曷爲吾文之余曰唯唯遂退而申其說書諸圖以歸之跋熊太史鶴嶠所藏董華亭墨蹟手卷

鶴嶠友人鄧君懷靜集董華亭尺牘凡十有八則裝成卷軸出入必以自隨攜遊京師京師貴人出重貲購之

吞松閣集

卷三十六

九

不可一日忽以遺鶴嶠懷靜重鶴嶠耶豈以朱門多酒肉臭不稱此抑或以金多身閒縑素充溢未須以流壤助山海故惟鶴嶠爲宜耶然則重鶴嶠亦重華亭耳顧華亭他無可傳獨傳其書大臣而以藝傳末矣設華亭在今日不知懷靜視之又當以爲何如也乃得其區區遺墨寶愛世守不肯輕予人卽與猶必得其人而後與之嗚呼一藝之成其見重於天下後世如此况表見卓卓者乎人奈何不早自樹立而卒一無所成也悲夫

題巴雪坪老梅圖小影

莊生有曰道之所以虧愛之所以成佛者用其說喻之

河以懼溺者故桑下不三宿絕愛於無愛甚愛也而我不知愛之生於心耶生於物耶生於非心非物耶非心非物而油然愛生而樊然心生而森然物生物與心以愛交而後乃今相繫相繫則相遺而後乃今生寃親親生親寃生寃寃復生親親復生寃因緣乎無窮而且奚知其初而不見夫雲之溶溶乎以爲其升於山而不見夫泉之涓涓乎以爲其漏於地庸距知山非雲之升而地非泉之漏耶庸距知未始升未始漏之有始其所未始者耶見其見不見其不見見然而然見不然而不然迷乎無窮而莫窮其無窮之初而又奚以知其初故曰至

人無已無已故無物無物故能物物而不物於物遊乎物之初齊萬物於一歸於元同是之謂化善乎巴君雪坪老梅圖詠之自序曰怳怳乎不知梅之爲梅不知梅之爲梅莊周蝴蝶之物化也莊之與蝶巴之與梅同耶異耶莊之蝶夢也巴之梅非夢也異耶同耶我不能知其然又奚以言其然爲不言而寓諸言懼虧道也

巖生偉哉感懷詩題詞

巖生偉哉二十初度值荷池正開作詩五章以見志明年丁酉孟夏相見於新安紫陽山館出示讀之善將歸請言其詩余曰余無以言也子已自言之矣爲誦其詩

之次章已復請乃進而告之曰子亦知夫蓮乎爾雅曰荷芙蓉其實蓮房也今率以蓮爲荷郭璞所謂習俗傳誤蓋自晉然矣攷其性若茄若蓮若薔若房房中葍葍中薏及其根藕無一不適於用而華獨否華文章也諛目之具耳不足用夫好無用而惡有用俗情類然矣然不足以惑志士子果欲聞余言乎敢以是言進

書姊婿潘二雅奏遺照

君諱廷埴字雅奏別字訥齋余姊婿也居江南吳江之爛溪爲稼堂先生孫性開悟家多藏書又得所授受早歲卽以詩名余世父秦濤公寓居盛湖去爛溪一牛鳴

吞松閣集

卷三十六

三

地知君言君於季父廣寧公遂以幼女婿君君初來謁先大夫先大夫適作菜畦賞菊五言古疊韻詩示之次韻再疊以呈先大夫語人曰此真謝氏鳳毛也憶余聞斯語時去今已四十有六年矣是年冬先大夫見背余時時泣誦遺集學作詩君頻來吾家余識先大夫語亦出所作質君君嗟賞之遂大相愛顧余衣食奔走不數相見已而別君去京師君則益閉戶徧讀其所藏書力以不朽業自期許不屑屑爲制科文制科文尤古不諧俗用是連不得志於有司久之母亡父若兄相繼歿妻死子二又天其一鬱鬱不自聊賴而家亦中落辛未恭

遇

皇帝南巡召試取二等第一

賜幣放歸其同試得官孫君夢遠曰潘某下第吾等媿死矣自是君益困年垂五旬未嘗出里閭至是以課讀客辰州某官幕竟卒嗚呼可謂窮矣念余少孤貧往往爲人所唾棄蹈藉而君顧獨心許余余不肖不能讀父書如君克有所著述傳後世僅僅博一科第以塞君望而君又先歿不及待余歸復得如曩者各出所作相商質知己之感逝者之悲其有窮耶其無窮耶君初病頭風不良於視然完好如平常今展遺照訝其不類其子吞松閣集

卷三十六

三

大庚曰暮年體加豐碩而目則竟渺矣嗟乎旣殘其形復嗇其遇吾於君不能無恨於造物矣

爲姚侍御蘆涇書董思白書徐雷州墓表墨跡後

吾禾徐氏明雷州公墓表華亭董宗伯所書也余故越產徙郡城寡交戚於徐氏無知聞侍御蘆涇先生偶出此命跋始悉徐先世余因歎表志之信足重也是宜徐氏所世守乃不克守久之卽其子孫且不能通知前人事况他人乎幸有慕古者代爲寶藏而雷州之跡灼灼如在聽觀間然非華亭書則亦作故紙委灰燼矣然則表志重作者爲尤重也雖然古之表志賴名人碑刻傳

不朽後之人靡金錢以購之文綺寶積以崇飾之其珍重愛玩至不忍去手顧未聞有指碑中人道說而嗟賞之者昔蔡中郎謂生平惟作郭有道碑文無媿色而膾炙千百世則亦惟此文然則碑傳人耶人傳碑耶嗚呼可以知所重矣

爲姚侍御書明姚江呂氏家藏名卿墨妙卷子

侍御與余先後歸里門者有年矣余長客而侍御則足不入城府卽與余亦不數相過從也性耽臨池好集名人尺牘謂書法莫問好醜其右拙書卷味展玩便覺塵氣都盡斯言也非特知書此侍御之所以爲侍御歟吾吞松閣集

卷三十六

三

鄉少宗伯籀石先生有同此好曩余在京師嘗見之已集十有餘冊今想益富侍御曰彼嘗易吾所有以去內有漳浦先生衛夫人玉卿墨跡至今猶惜之時就侍御齋觀所藏名卿墨妙卷子爲識其語於尾云

跋明尚書某公誥命卷後

乾隆己亥文主講吳山之紫陽書院有客攜示宋龜山先生所手集楊氏世譜圖自漢迄宋皆詳焉譜後則龜山先生以下凡數世遺像及誥身咸具丹墨之色鬱然古光至寶也明年移主西湖之崇文孟夏吾宗桓度自吳門來出其世守尚書公永樂初元所授誥命命書卷

尾計制文凡百十有九字後書永樂元年十一月十六
日上有寶又後書日字七百五十四號亦有寶寶與字
皆半之歷今四百餘祀字畫精整完好如故非醇德鬼
神護之奚以及此顧楊氏譜已數易他姓而此猶爲子
孫寶藏勿失則孝友代興君子之澤宜乎百世不斬也
嗚呼休哉

書江氏所藏海內名流尺牘後

岱瞻先生與賢嗣松泉蔗畦兩昆以才名雄江南北時
人方之眉山父子惜余皆未之見也乾隆戊寅己卯閒
識蔗畦於衡州之清泉時先生已歿不可復見欲見松
吞松閣集

卷三六

十四

泉卒亦未遇越十有七年蔗畦權守徽州與余相見於
紫陽講舍則松泉已於是年謝世讀其所著瀟湘聽雨
錄爲慨然也明年蔗畦得替去出示所藏先生故交尺
牘三冊則皆海內名流手蹟也先生暨松泉亦各有手
書跋語於後東坡云歐陽行樂處草木皆可敬况今親
見其筆墨耶獨怪先生以如此才而鬱鬱以老二惠競
爽又弱一个卽今蔗畦積勤累官駸駸乎大用矣而復
連卷抑塞浮沉散吏中宦不達家益貧趨呼召如傳客
居廨舍如枯僧殆柳州所謂萬不遇而一試者也文憎
命達詩能折官斯言信不誣歟然而蔗畦之名且日以

重而先生之名亦日以昌視世之富貴而姓名不掛人
口者又何如也往常見古之名人數千百載下有掇拾
其片紙隻字於灰燼中輒矜爲希世之寶者鑒往知來
吾於先生可信茲冊之必可不朽矣爰書其後以託於
驥尾之附云

吞松閣集卷之三十六

終

吞松閣集

卷三十六

三

吞松閣集補遺卷之三十七

秀水鄭虎文炳也著

門人欽州馮敏昌編次
男師亮師靖師愈謹梓

古今體詩

詞附

壽四明袁近齋同門尊甫滄涯先生八秩

吾聞浣花叟七十誇古稀老萊戲堂下着綵同兒嬉棘
津感夢卜輟釣爲王師二子雖暮齒忠孝方始基偉哉
袁公門卜居鄞之涯歷世登大耄自明迄於茲詩書或
延澤孰聞以壽遺在世亦云偶於公未須奇緬思太古
民百歲常過之近逢山澤癯往往多龐眉良由寡塵事
葆此性不漓神仙豈異人亦爾何復疑奈使嗜欲戕遂

吞松閣集

卷三十七

補遺

一

受陰陽欺碩果閒一遇驚告相嗟咨豈知長生術盡人
可能爲吾今爲公壽祝公無他詞公里實勝地水石含
清輝杖策山之幽放棹湖之湄野花媚相引好鳥鳴以
隨及此春爛漫童冠相與攜時時招近局杯酒以自怡
世或愛軒冕少猶貪文辭如彼蕉鹿夢一醒不更思亦
有兩兒郎出處任所宜八十初度日宛若初生時形骸
弗爲累造化何能羈與化互終始其算良不貲滄桑豈
無變陵谷或漸移摩挲看銅狄五百須臾期

寄祝海昌相國陳蓮宇夫子七十壽四首

高揖東山歲幾更謝安端不負蒼生

三朝出入完終始四海行藏繫重輕相度春風茵可吐
臣心秋月水同清欲知舊德聽歌祝司馬兒童誦姓名
三公布被不辭貧安穩孫宏卧海濱台宿依躔占故相
君恩隨地得閒身鄴侯差許同高士文靖原知是聖人
聞道湖山足消遣近來七十更精神

龍山千尺倚南天雲白峯青意灑然宏景頭銜原宰相
希夷家世本神仙絲綸閣下御

恩舊日月壺中拜

賜偏屈指巡方期隔歲定應

駐輦問高年

吞松閣集

卷三十七

補遺

二

赤烏風規感吐舖虛懷謙德古今無望塵尙想歸

雙闕獻書寧煩託五湖雪後喬松椿共壽日邊鳴鳳鶴

同孤會開黃閣徵公起準擬重陪絳帳趨

爲蜀中張進士

宏仁

壽其師建寧鄭天錦之母八

十

乾隆甲戌春席帽走燕市有客聞海來遺我一雙鯉中

有尺素書云自邈德里上言久離別指指歲已幾下言

長相思要我渡汶水中言壽母壽七旬有五矣稱觴期

明正燈月艷席綺祝釐徵詩文是母夙所喜朱書序懿

德封寄東筭比時宏涉師命東都問杖履則名魯諸生

柏梁頌聲起

鄭為山東某書院長諸生傲柏梁體為壽言時宏仁亦與

修別歲四週

獻策復來此竊聞陶孟風譽言盈頰齒昔年朱書文人

各手一紙八旬慶來春獻頌滿朝士惟宏受知深欲默

那得已迴頭憶贈公尹縈下車始十載仰神君萬戶依

赤子訟庭集生徒俗學掃糠粃從遊領遠方千里等尺

咫時為具盤筵咄嗟辦甘旨維母克相之委曲如所指

官去講堂畱却向蓉城徙宏也無緣從鯉庭執經史館

餐安朝夕童僕供驅使出入勞母懷顧復同我恃卽今

倖一第水木念所以蛾眉山青青巫峽水瀾瀾山高會

有窮水深會有底感此一片心高深諒難擬迢迢路幾

吞松閣集

卷三十七

補遺

三

千忽忽歲盈紀設悅及令辰如川祝多祉願母壽岡陵

宛彼武夷是願母福川增瞻彼滄溟似願母吉且康神

明永無累願母熾且昌八座潘輿美仁壽天所申栽培

物之理於古良有然卽事知必爾緬懷長筵開玉窓燦

梅蕊十部沸笙歌兩行耀朱紫躋堂諒無由悵望空徒

倚紛茲念舊心託頌南山杞

九月四日遣嫁莊女書此示之

汝祖故愛女而吾尤過之有女無不愛愛汝情獨癡汝

父故貧賤幼孤失瞻依伶仃幸成立倚汝祖母慈汝母

歸我家標梅嗟後時一索乃得汝起卧親抱持辛勤十

八年瑣屑難置思念汝十二三婉婉具令儀縫紉及澣
濯枕蓆兼盤匱事事俱在心鉅細咸待治冬膚坼縱橫
夏汗沾淋漓代母事操作勞瘁靡所辭梨棗有推讓出
入無完衣東家有美女羅綺嬌不支西鄰有少婦珠玉
盈履綦富者相競鬪貧者相嗟咨汝視若無睹泊然不
爲移顏能見其大竊負男子奇事我尤曲謹委折罔不
宜如彼形與影轉側不忍離以茲遂成癖愛汝逾羣兒
今歲次丁丑爲汝親結褵書堂作甥館賣犬爲奩資宜
家自此始畢生乃其基庶克相夫子敬勸同賓師毋忘
我家訓相勗禮與詩吾聞古賢婦勸學斷機絲桓車及
吞松閣集

卷三十七

補遺

四

孟案往蹟汝所知卽今不共勉後悔良已遲知汝素賢
淑安用相憂疑愛深慮彌遠反覆多繁詞嗟我年已暮
冉冉霜入髭今雖不遽別別亦須臾期念此不能語含
毫淚先滋吟成漏欲盡四壁寒風吹

沅州道中寄莊貞兩女

夢中不知愁歡喜入懷抱嬌癡如平時笑語忘衰老鑷
白競挽鬚搔背况撮蚤衾稠問燠寒衣裳互顛倒瑣屑
豈嫌煩憐愛不辭惱宛如在家時婉婉依厥考春雷一
聲鳴驚破心杵搗求之失所在幻境已電掃人生類如
此覺悟悔不早如何老眼淚似露含衰草三更催放衙

起坐心惛惛披衣謝明月照人顏色好

次寄貞女

蒲觴未成飲送我榴花前淚灑作梅雨無聲自漣漣淚
痕未盡拭秋月驚孤懸歲月苟如此人生空百年

寄兩女

晝夜不得寢偶此休我勞汝何不我舍寢輒見汝曹山
多障遠目江深隔驚濤神魂倚形影不憚千里遙汝來
情脉脉汝去心忉忉此懷誰與共離淚濕青袍

讀兩女記夢詩因寄

十月歲試畢稍稍親衾裯黑甜有餘味甘美逾珍羞近

吞松閣集

卷三十七

補遺

五

况就小飲晚飯時一甌昏然百慮盡一枕聲鼾勦以茲
不復夢夢亦醒便休生死漸能外聚散安足愁可憐小
兒女初解別離憂憂思故成夢夢覺不自尤還復作夢
語千里寄誠州開緘就燈讀哀怨啼雙猴時從永順攜
雙猴以歸
遙知綠窓下一字一淚流淚亦不得見夢亦不得謀空
此夢中語留與醒者謳謳竟不能寐開樽就牀頭

寄貞女

生年不滿百我老將半之老幼不相待何能無參差所
以泣風木孝養傷其遲汝本非男子匪久當乖睽人生
死前痛惟此別可悲死別與生別死者差便宜瞑目一

長往啼笑兩不知如汝第四妹第四女媯于丁丑永永與世遺

安知垂老親血淚猶日滋以茲較生死願我先汝辭當

其未汝辭庶以慰我私念汝與汝姊倚父如母慈待我

溫與清時我渴與饑我勞汝不怨我歡汝則怡譬之形

共影行動相追隨追隨諒難久旦夕聊自欺憶昔游汴

梁汝姊淚縷縷歸來看顏面瘦削冰雪肌汝時尙稍稍

猶逐羣兒嬉可憐數年來歡愛姊等夷昔別才四月今

別經三時昔別汝伴姊今別汝獨支有伴不自慰獨支

諒難持况計明年冬行將結其禱去住由他人焉得常

在斯我已薄暮年筋力日就衰一別遂永隔恐此事非

吞松閣集

卷三十七

補遺

六

奇如何當此日已復傷別離迢迢關山路忽忽歲序移
懷親感夢寐寄遠憑歌詩詩悲不忍讀但恨歸期遲歸
期詎云遙一日三歲思思長無斷絕歷亂如芬絲

試日得家問知莊女舉子却寄

連宵苦迷離夢兒常在側醒聞夜半鐘撫枕心惻惻待

旦卜所疑正變互衝尅得臨之與似云吉且康欲信仍眩惑

懷憂坐聽事細雨亂如織蚊虻觸聽聞煩寃不自克放

衙啟重門傳檄插雙翼開封得家書觸手凜戰色展誦

未及終失喜不能嘿上言月在亥丙子卯初刻莊也已

免身不拆亦不副下言徐家麟孔釋親抱得頭角自崢

嶮體貌復充實寥寥數行書寄我慰相憶積愁已頓空
遠道難遽卽遙思到家時忍惜提抱力人言宅相賢此
事遠莫測聊代含飴歡稍稍展胸臆獨感霜露零西風
日將昃新故迭相催撫景三太息

連陽道中寄兩女長句四十韻

我愛兩女逾羣兒寢食與共形影隨願爲有家却愁別
于歸欲廢桃夭詩紙房冷炕京師竹屋榻湖南恬吟絮語時
同之自從先後啟甥館持踵泣送禮則宜強留不遣非
久計如舟帆風朽索維及茲不聚縱卽逝出巢乳燕歸
無期昔者使車渡湘水巡歷縱遠不及期蠶絲自縛魚
吞松閣集 卷三十七 補遺 七

自餌蠶絲自吐層層縛魚餌如吞曲曲鉤余使楚寄女句也愁歎猶復形於詞今

游嶺海費日月嶺重海濶天之涯春風吹花紅映肉微
雨濯竹青入眉可憐正是好時節歸席未暖征帆移庾
嶺上巉劍脊瘦連峽倒插畫壁奇空巖陰森足虎豹幽
澗偈仄潛蛟螭雖然耳目飽清勝畢竟夢寐生憂疑寒
愁雷雨到咫尺熱如釜甑遭蒸炊僕緣頭腦百蟲集嗜
人肌肉甘飴飴爬搔驅拂不停手爪痕零亂成癩胝聞
高廉雷陸行惡瘴悶心膈濕痿脾瓊州海外尤絕遠毒
風中人吁可危寒升夜氣夏砭骨晴烘烈日冬流脂行
將逼歷今甫爾觸暑犯險那得辭昨午梅州度殘歲登

樓王粲紛鄉思今年度歲在何處分無骨肉同椒卮明年况復異南北胡馬越烏悲風枝人生團聚與富貴二者相左難兼持富貴辛苦團聚樂以苦易樂寧非癡况我本無濟世具樛散錯受斤斧施采蘭楚澤劇芟薙網珠南海愁奸欺適頌

天語荷殊獎跪誦汗穎交雙頤

恩深責重難報稱士習文衡慚職司計周南服及瓜代片香硯石去不携臣心如水拙自許有道而穀恥可知宜拙手版就閒曠或虞山麓梁溪湄鴛鴦湖頭放鶴處青山綠水皆堪怡汝來就我就汝惟意所適無睽離

吞松閣集

卷三十七

補遺

八

卽今應時新雨足五月剛過黃梅時珠蘭茉莉豆棚下明月在地荷滿池逍遙散髮坐庭石一甌雪乳浮花瓷爾時若吟此日句十年應悔歸山遲有田無田不復問坡翁誓水非吾師

舟中無聊戲成九禽吟

一字初將別恨裁離聲長繞越王臺單飛弱羽何曾慣

重度梅花嶺外來

雁

白玉堂中舊燕雛歸來簾閣未模糊經風經雨關山路

翠剪紅襟好在無

燕

穩坐垂楊莫露身金衣容易著紅塵闌干一曲紗窓外

斗酒雙柑待主人

鶯鶯

無端身被北山羅
玉鎖金籠耐折磨
誦罷心經還告佛
愁多心是不會多

鸚鵡

張郎風調舊知名人去
空憐曉鏡明螺黛
拈來還又放
隔簾啼煞畫眉聲

畫眉

水似迴紋乍織成
蓮開並蒂亦多情
生來合有雙飛分
狎盡風波也不驚

鴛鴦

千般花氣釀東風
花底禽聲下上同
指點旁觀成一笑
紅粧隊裏白頭翁

白頭翁

陣陣飛還對對啼
櫻桃斗帳是香闈
莫隨蜂蝶分張去
吞松閣集

卷三十七

補遺

九

十箇都來一樹棲

十姊妹

如何鳥亦解相思
鳥解相思人不知
人鳥相思不相管
含情閒賦九禽詩

相思鳥

壽武陵楊文敏公配陳夫人七十

丈夫不聖賢一藝亦自擅
惟婦必以德德鮮名可羨
中庸諒難能往往以節見
如其盛遭逢處順艱履變於茲
得著稱列女乃可傳
夫人相文敏富貴自貧賤兩境貞
始終二老安安膳
太和洽門庭芳型式親串循循言行
庸而無耳目銜徵今罕匹
儔緬古多淑媛鍾郝嚴禮法
班謝工筆硯鴻案與鹿車
九熊及判薦類以一節奇用

致身譽扇夫人不事此温温飭規瑱上德故不德無善
乃至善昔子游武陵采風溯邦彥綠野閑殘春桃花護
深院今見丹山雛采耀銀海眩述知畫狄勤七十猶未
倦及秋洞庭波張樂開廣宴此邦多仙眞鸞鶴翔後先
稱觴無緣從含毫寄深眷

重五壽熊學橋同年五十一初度

青梅已熟朱櫻圓疎簾青篔簹花飛筵聞君初度值佳節
孟嘗之日遽之年長身等戶似松栢絲絲續命齊彭篔
鳳膏濃煎麟脯擗菖蒲細切雄黃研無人爲放丞相鵠
有酒共瀉錢唐船君辭衆賓起自壽長歌落紙飄雲烟
吞松閣集

卷三十七

補遺

十

自言幼孤倚慈母母家家法廬陵傳

太夫人歐陽氏

晝狄霜嚴

十指裂提絮雨泣千珠連一手摺拄門戶事半生苦結

羹鹽緣淒音怨亂不可聽秋聞哀猿春啼鶻感余同病

有深痛如刃刺腹心針穿迴思成童失所怙但恐世業

乖青氈歡抱在膝怒予杖寒補破衲饑炊餽粗讀父書

迫求食常霑征袂如流泉旣離晨昏缺甘旨又苦衰病

嗟沉綿甫登一第得歸告行慶七秩歌增川那知生死

不相待臯魚風木悲終天視君錦衣侍萱背親奉粟水

羅甘鮮已償前慳得後樂蓼莪猶賦哀篇余何人斯

覩面目竊位苟祿儕時賢幸終沉淪亦已矣倘被拂拭

尤慚焉維君之才十倍我曹倉鄴架充便鞭驅雷電
發光怪磨治金石歸精研爭先已作星鳳睹閒退尤愛
蟲魚箋卽今五十鬢鬢好中充外澤知天全豈如蒲柳
易衰歇不堪桃李矜嬋娟廿年共篤同譜誼一歲差比
鄉人先余長學橋一歲昨朝病起攬明鏡黑頭幾日驚華顛漸
成老嬾百事廢大詔一施難重弦君誠瑚璉國重器合
置

清廟明堂前如何鴻文瀉江漢朝宗每竭輸涓涓竭來
天恩眷幽翳欲以符竹榮衰辱一時嚴終盛冠蓋千秋
召杜爭聯翩脫身幸許同野鶴避嚇曷不辭羣鳶吾今
吞松閣集 卷三十七 補遺 十一

酌酒爲君壽君家家在廬山邊香爐五老紛在眼浮邱
洪厓可拍肩綠玉橫拖兩脚健黃庭倒誦三尸蠲三元
高會鸞鳳集十賚下錫瓊瑤鐫輕身上舉謝羈絆兜羅
下視空哀憐顯揚定合陋卿相壽考端不如神仙芒屨
草屨吾已具君其早辦青行纏君聞我言只點口蒲觴
未飲先流涎醉中夢化漆園蝶飛去石榴花下眠

長至前一日汪曉園侍講招飲同廬李二學士藥

根上人卽席分賦得牧字代汪明經稚川作

朔風吹面涼人海坐空谷不辭刺生毛但感髀消月吾
宗玉堂賢設醴簡再速破寂得此招良夜欣可卜八米

今之才千首膺所服退食出

青宮雅會樂休沐梧岡鮮凡禽鄧林罕散木而我復何人
盃酒共徵逐燭花眩迷離膚粟散濃郁應候疑回陽
暖客比春煥醉起興益豪胸次羅萬族分牋鉢敲鏗拈
韻手瑟縮奉盤未登壇學射慚斷竹如何張羸師而輒
抗頗牧偃旗事休兵此諾良已宿昨朝訪已公啜茗坐
茅屋新詩竟先投欲默轉自慙歸來坐深宵燈影照孤
獨吟成月初斜如雪映窓穀

壽德少宰保尊甫顯庵先生七十

吏部文章在謂留少宰回頭又十年三元重啟會七秩止開

吞松閣集 卷三十七 補遺 十一

筵茂德生非偶耽閒性所便漢陰餘舊壻彭澤契無弦
家法敦顏訓郊居續沈篇風雲藏霧豹鐘鼎出書田素
月含虛室羣星聚樂賢堂名鯉趨龍燒尾鶴和鳳隨肩台
宿明蘭祀桃陰滿木天退

朝依杖履舞綵集貂蟬

鸞語頭銜改霜花鬢影妍譽流三徑外身在九霄邊牀
下梁松拜門中萬石傳黃庭千遍孰綠玉一枝圓癯豈
同山澤名應是佛仙忝隨朝士後介雅祝增川

壽羅孝廉有天尊甫敬亭上舍七十

維人立人道守禮以為固不爾如敗屋欹側終必仆暴

慢之所設初焉罔知誤漸可被天下端或始跬步不習
斯畏難不變以安故所宜童蒙時豫教式規度爲國無
異術禮讓此其具達士乃小之棄跡如避污極害不忍
言長夜永不寤先生今醇儒趨庭得良傳婦翁况冰清
小學交手付自治與治人本此導先路尺寸率以循家
國非不顧吾思禮教重慎終尤首務變古非一端大惑
在營墓一山分吉凶衆子岐愛惡相持不得決數代甘
暴露江右多形家結習久沉痼先生妙其術乃不爲所
錮大聲振羣聾隻手披宿霧斯真禮之宗薄俗藉陶鑄
誰歟致以位廊廟觀舉措兢兢抱遺經七十感遲暮歆
吞松閣集

卷三十七

補遺

三

向家學綿照眼盡璉珞仲子實挺出咄咄吾所怖縱橫
薄風騷貫串及賤注昨歲舉京兆芳譽已四布庶幾干
霄心寄此謝庭樹今歸稱壽觴卷紙索我賦因風寄長
懷千里當良晤

觀奕聯句

天門將開日光赤仙真排雲不留跡禹穴春深山下柯

小門生顧胤

堯衢景麗風前夕得錢未沽酒徒酒門生商試

手先觀奕秋奕一枰錯落珠璣圓從子百道交橫風雨

擎乘除生死互爲根姨甥邵塵盪陰陽颯相追乾坤劃

分地兩界姨甥邵河洛同參叢一畫知彼知己著必先

姨甥邵
自悅

用正用奇術宜擇秦關漢壁勢俱雄胡電激

雷奔怒斯赫有時閒道走陰平余有時假途舉虞虢有

時堅壘固陳倉師有時奇謀出曲逆有時徐行蛛聯

絲魚有時疾擊鷹展翮擣虛披亢算無遺起破穴傾巢

勢難格微若兩角爭觸蠻煜鉅若七國競侯伯變若天

矯騰蒼鱗昌猛若嶮巖負白額密若雲際秋星繁華突

若鴻遭腐鼠嚇勝若組甲越六千悅敗若島人齊五百

智無不窮若扣囊晉堅無不破若貫革若畫溝守和可

成余若潰圍出縛可釋或賈勇若呼臬盧雍或包羞若

辱巾幗手拈或若百珠連魚子下或若六駿騫或堅於

吞松閣集 卷三十七 補遺 十四

思宛坐忘超或悟而悔咄屢易或樹降旗或背城煜或

亂殘棋或逃席橘中相對儼神仙昌壁上環觀同項籍

森如立竹不辭勞華爛盡樵柯毋乃劇喜心見獵祝代

庖悅狂態披襟頭岸幘咨嗟束手嘆龍鍾晉談笑揮肱

驚嘆暗似同休戚係存亡余如與虧成叅損益奩收響

絕鼓瑟鏗雍觀止神行奏刀書轉頭頓息龍蛇爭解放

眼真愁天地窄自古長安似奕棋超何年絕塞無沉戟

疎簾清簟感蒼茫煜一切千秋動魂魄并吞欲鑄咸陽

金昌失著空銜軛道壁敗藏勝局鹽已腦華安寓危機

迫人栢縱操勝勢毒難懷悅但待機心勲可策險途世

只論尋常晉抱義儒還羞咫尺醒人消息局中尋余誤

我流光身外擲欣逢首夏月上旬雍况有中山酒千石

波浮杯影瀉琉璃鄭雲撥甕頭傾琥珀眼前賓主盡東

南起指下輪贏忘黑白枯教舌本坐堪談煜喜入燈花

浮可拍新裁爛漫誇輕肥昌舊恨消除謝綺綌初分首

藉亦君羹華共啖紅綾皆

帝澤花明上苑鳳棲梧悅柳染宮袍狐集腋相將待且

聽鳴雞晉看報泥金慰嘉客非貪富貴爲求榮余要使

蒼生無不獲區區方罫何足耽雍博具陶公投勿惜鄭

歸鴻聯句

吞松閣集 卷三十七 補遺

五

老去難岐路閒來笑客身柳隄風正暖余沙岸草初勻

催別鶯啼急煜驚心燕語新歸雲徐出塞胡疎雨暗迷

津未惜關山杳雍先欣羽翼振夢遙衡浦月煜影斷楚

江蘋花圃穿紅錦晉蘆洲點繡茵行行排恨字雍漠漠

破邊塵浩蕩天衢遠芳菲

帝里春稻梁能欸客余桃李亦宜人湛露三霄渥煜

王圖萬里賓鴛鴦多舊侶晉飲啄信前因豈忘遠占吉

還思陸可遵冥飛寧避弋息影欲完真野渡秋波碧

寒山古黛斂征途猶歷歷煜回首感駢馳曩逐冲天

鴨晉今隨縱壑鱗龍庭消息近雍雞塞往還頻宿羨枝

頭烏勞慚釜底薪敢辭鳴鶴和願學沒鷗馴

余

壽汪明經在湘母七十

黃山白嶽非人閒西溪直作西池觀溪邊甲第何盤盤
重樓阿閣青雲端中有壽母人中仙二萬五千日跳丸
百四十歲猶童年河車灌腦肥元田齒髮不衰神固完
閒時自誦黃庭篇蒼荀拂拂香諸天堦前玉樹雙龍蟠
孫枝竹立珠爲竿長君讀書追古賢亡羊漂麥橈可穿
作爲文章蘇與韓我從之遊敦古歡抵掌與語一勝千
期期艾艾質更妍陶公五斗恥一官撫松采菊恣盤桓
王陽之綬貢禹冠何如萊衣煖且安兄先弟後時眠餐
吞松閣集

卷三十七

補遺

去

融融怡怡稱樂全仲冬六日風景暄稱觴設悅張綺筵
鸞翔鳳舉雁鴛連封胡羯末拜膝前母顧而笑開心顏
金貂珠履門咽闐奔趨絡繹如流泉董家雲和許鼓絃
金母下擲蟠桃鮮慈雲非雲烟非烟氤氳摩盪堯羅綿
余今先期着歸鞭臺萊豫獻無繁言如同如阜如增川
黃山白嶽西溪然

代人壽家孟六十

義門孝友古所稱誰其繼者今先生先生不愛公與卿
亦不愛千秋萬歲名只愛蕉窓竹屋風雨夜黃門玉局
對榻聽有弟有弟在玉京屈指寒暑二十更鴛鴦湖頭

秋水平忽歸來今扁舟輕過頭杖折脚鐙長腰之米碧
澗羹芼而食之旨且馨誰家白衣遣送酒傾甕注瓦盎
盜春流清空杯自持弟坡老重觴忘天兄淵明醉巡庭
桂脚不停宛戲膝下肩隨行夜挑一燈坐深閣侍孀姊
兮隨孤甥談深燭暗雞亂鳴倦婢立寐頭觸屏退從其
曹相怨憎云何樂此非人情猗歟先生孝弟之德可以
型明良之歌可以賡奈何坐困油帘矮屋底琴材爨下
猶吞聲君不見鳳觜麟角不世出古來大器須晚成况
逢

聖人達聰明目四門闢鶴書蒲輪行見來相迎是亦爲

吞松閣集

卷三十七

補遺

七

政今異昔十年毋守區區貞願以我言勒作銘六十初
度如初生萬里之行此其始紀歷試取堯階賞

前題

言尋谷口問洲東雙桂庭前帶草風漢代談遷今繼美
蘇家軾轍古誰同聯牀被愛因人熟煮藥鬚寧避火攻
孝德飲醇如麴蘖榮名隨分薄苓通呈身未肯酬知已
詭遇何堪役賤工莫問藏沽和氏璧已忘得失楚人弓
偶澆醜礪呼賢聖差喜安便學苦空萬丈文光懷李杜
一時冠蓋笑嚴終怒濤靜處松停鶴夜氣寒來劍吐虹
海運未逢聊護屈風搏何慮不鵬冲岡陵此日升恒祝

憲乞他年禮數崇願獻黃山丹鼎藥爲公介壽頌生松
壽方茂才晞原尊甫六十

雞鳴一閒分善利幾希去存辨其異放利則怨爲善樂
斯道而今棄於地先生世澤篤以仁仁先一本推親親
難能不愧孟莊子觀行何止三年循荆襄鹽筴守先則
維予宗人典乃職職之不修乾沒聞幾微不一動顏色
盜臣有母愁尸饗義不忍絕周其窮一再而三釋不問
視百千萬鴻毛同嗚呼孝友今鮮聞葛藟何知庇厥根
操戈或且及同室親盡况等途之人先生內行罕倫比
母庶母兮弟其弟本之旣敦條自繁睦族猶其餘事矣
吞松閣集 卷三十七 補遺 六

謝家庭樹玉一枝亭亭物表非凡姿黃山秀鍾出文采
補敬應及

休明時昔聞滿朝惟一子先生食報宜在此方從吾遊
忽告行趨庭片颿直西指鸚武之洲黃鶴樓漢陽江水
碧于油到時叱使變春酒跪獻千鍾當海籌

壽方明經心潭七十心潭文翰先生子

吾聞古有三不朽而年不存焉立德功言世不絕此中
安見彭與篔篹詎不重此罕紀載謂非人力難貪天不然
五福一曰壽何以衍之洪範箕疇篇先生故是名父子
談遷歎向磊落今古名蟬聯羊裘老子君鄉賢雲臺二

十八將羞比肩君師其高非漁竿爲鄉進士不肯進閉
戶獨愛蟲魚賤扶風之帳臯比座侍者立竹來奔湍嗟
余聞名未識面一毡自挈羈新安新安之士誰最好汪
氏稚川程易田與之游今三年經則孔鄭文歐韓云是
君家後堂之崇宣彌思君兮如流泉春風拂拂春花妍
訪我忽渡漁梁船不與不騎亦不杖着屐直上荒山顛
見君疑君少於我松形鶴性精神全那知問年已七十
太息真似人中仙譬猶千里之行始足下穆駕八駿今
初鞭不朽自在重以壽雖古作者胡能然昨聞羊裘徑
初度開長筵醞酬在尊麟脯在盤曼倩桃熟安期瓜圓

吞松閣集

卷三十七

補遺

九

壽朱君祐庭六十

徽國休聲遠鴛湖世德清力田先孝弟耕研出簪纓早
歲稱家督羣宗奉主盟一門風義重四海友朋情肝膈
傾何處重裘傲豈名俠腸愁按劍薄宦試遷鶯曹視監
州冷官緣守道輕鷹鷂期必逐蚌蛤笑空爭鹿去蕉心
卷鴻飛雪爪平閒知鷗可狎狂托酒爲生久慣耽孤飲
時還共老兵醉醒從我法得失付鄉評宦橐餘清白郊
居懶送迎行藏殊落拓歲序忽崢嶸亥字人初老丁年

貌似嬰期頤綿歷算福祿慶綏成介壽筭裁碧稱觴菊
汎英笙歌喧兩部鸞鶴舞前榮謝鳳毛呈采梁鴻案對
擎此時秋正好如望月同盈有客頻延佇離踪未合并
增川勞脉脉祝嘏效硜硜爲寄同心友兼懷舊館甥好
留千日酒歸待我同傾

壽孫方伯 舍中 五十初度四首

奎壁文光下斗邊湖山花鳥各爭妍金閨才彥今方伯
海國名藩古大賢不染心真仙佛侶有容德信與胞全
欲知偃草風何易收取人情藝作田

山東出相古云然望在蒼生簡在

吞松閣集

卷三十七 補遺

二十七

天楚令尹宜光舊物劉文正

謂諸城相國

合繼鄉賢雲霓是

處嗟奚後雨露茲邦占得先浙水重臨迎竹馬村村齊
唱召棠篇

出入依然子弟身問年五十慕方新趨庭學禮先爲國

保赤求心爲悅親昔侍鳴琴來下邑 尊甫曾尹秀水 今登行省

肅朝紳宜忠宜孝宜慈父一念圓成萬物春

擊缶聲轅貢性眞祝生常語敢輕陳恩銜世德關鄉里

禮下衰年託故人 尊甫鄉科與余同丙辰 嶽降諒難詩繼雅躋堂

差許義同民南臺北李歌君子竊爲那家慶得臣

壽某中丞母二十四韻

孝治春暉暖台垣寶婺光母儀隆象服坤德叶黃裳梓
里唐風古澹源晉水長于飛占是鳳言秣嬪於王開府
懷先哲維藩惠此方蘇杭移節鎮蘋藻式珩璜繞砌蘭
爭茁冲霄鶴早翔三槐無改樹兩浙復吟棠繼迹臨薇
署升華殿海疆二公前後拜九牧姓名揚祇訓齊元景
幼躬魯敬姜循陔敦雅化偃草被餘芳冉冉慈雲覆熙
熙愛日祥歸仁推大母錫福仰維

皇美號寧求郡

崇封叠有章七張金紙重八座板輿香返鮮心如水扶
鳩鬢未霜引年尊耄耄彌性得康強案戶流銀渚聞樵
吞松閣集

卷三十七

補遺

三

記白藏西池剛設輓南極爲稱觴榮戟珠盈履湖山錦
作粧佛螺開鷺嶺仙醞酌錢唐十部笙歌沸千門頂祝
忙忝隨耆耋末瞻禮一登堂

壽吳翼堂前輩八十

先生舊史氏漢學推經神詎獨豔詞藻賦手班張倫講
易穆

宸聽

顧問日以親旌寵矢弗誼鐵筆書貞珉

公邃於易蒙召對講復卦良

久退刊講易見天誕敷

帝文德碑頌遺八閩抗疏出寃獄拂袖南溪濱

督學閩中時得

替會武平有冤獄民塞令署因人素所惡二生爲首事
論當死先生曰我不可以去謝緣露章自効且白二生
枉二生得雪先生亦以是罷歸屢薦不肯起非惡簪與紳象賢克嗣服
勉以致厥身伯也尹京兆張趙慙其仁仲以觀察來如
赤保我民有政各以告用代甘脆陳怡然悅雙聽素履
增天申往予客紫陽忽忽歲及旬謁以後進禮亦枉山
中輪眸益不可狀藹藹春風春掃迹謝城市肅禮宜僂
賓天都轟天半惟公與嶙峋秋初月七日八十懸弧辰
軒車想闐咽黃山集仙真介雅禮莫展祝釐辭亦塵何
以薦烏几何以鑄青筠質言紀其實用式今之人

祝金少宗伯海住年伯暨配胡夫人八十雙壽十

吞松閣集

卷三十七

補遺

三

二首

聖朝人瑞古名臣仙佛公卿并一身迎

駕六巡才隔歲八旬初度頌生申

對誦黃庭對杖鳩齊眉百六十春秋當頭明月知人意

萬古團團一鏡浮

祝嘏常談未敢陳一言自署早傳真可知慙愧林菩薩

自有金剛不壞身

先生常寫華嚴經見有慙愧林菩薩之名謂合聖賢知恥之訓取以自號

宋儒理學漢儒經李杜鍾王萃典型

天子敷文覃薄海老臣名德傍前星

虞廷人頌伯夷清正已無求素位行出入

承華惕臨履威儀重見古師生

子告歸同洛社遊湖山景物一囊收望中樓閣觚稜夢

疑泛春波太液舟

內外掄才玉尺持鬼神屋漏鑒無私卽今閒作敷文長

冰雪聰明總不緇

會狀掄元又館元

散館 廷試第 一俗謂館元

當年聲價重璵璠傳

孟舊事分明在衣鉢天教付外孫

狀元神仙之孟彭方伯製贈金纂齋總憲

總憲贈莊滋圃中丞後歸之先生先生以女夫汪主事康古有異才初昏時貽之生事子潤民於乾隆庚子

恩科會 殿試皆第一 一孟之授受數定之矣

更聞玉樹長孫枝差喜推星我預知

往歲先生以兩嗣君星命推算有子

吞松閣集

卷三十七

補遺

三

與否余決其可卽得今果然

一語試留他日券鰲峰重看揀天時

格言家訓語繩繩

先生著格言二十一則家訓詩五十五章余手抄以訓示諸子弟 苦海

慈航暗室燈示讀幸參眞實義不辭百遍手抄謄

執友叨班子弟行瓊林花草被餘光志心別有皈依處

豈獨南豐一瓣香

病夫無分與賓筵軼事追懷信手編自愧無文聊紀實

侑觴可許入歌絃

又代作

當代文章伯臚傳第一人壞流尊海嶽奎璧煥星辰馬

帳追三輔韓潮蹙九旻休聲孚物聽名德冠朝紳諭教

公其選敷求典未湮

儲闈勤齒學小輦藉儒珍閑雅推疏受優崇感賀循漏
催魚鑰啟風動雪珂頻素望宜宮相升庸副閣臣委蛇
瞻乃度夙夜矢惟寅遂貳春官長兼知貢舉新整躬先
禮樂帥屬治入神使節持尤慎轡軒紀所巡尋常關節
斷甲乙鑿衡真朗映冰壺玉虛含竹箭筠詎同清者隘
誰似貴而貧甘載

承華地三秋張翰尊拜章初得告戀

闕更霑巾歸作湖山主閒招雞黍賓嘯歌渾自得福祿

與駢臻宅相徵衣鉢庚子會狀汪君如孫公之外孫也孫枝降甫申公新

吞松閣集

卷三十七

補遺

三

得孫仙鳧戲萊綵雛鳳叶麟振公令嗣一由某令陞部郎一記名四庫書局桂

魄剛三五蘭陔正八旬

龍樓寄芳訊鶴算祝長春賤子懷先世公典某科山西鄉試先君子

出門師門仰後塵巢空幸完卵火盡敢傳薪岐路躑躅

迹浮家失處仁某初寓杭城旋移寓先君子舊治之嘉善躋堂思介壽顧影

獨隣身却想羣仙集因知綺席陳團圓酌天酒雙照月

重輪某初寓杭城旋移寓先君子舊治之嘉善

重輪 夙夜天淵寶笈春宮員兼職貢舉獲獲與夫

附詩餘

夜寒不寐調寄燕山亭二闕

月杵霜鐘二十五更敲遍不勝淒緊無限羈愁一處都
來合眼幾番驚醒鐵馬檐前又送得西風到枕還試問
若個司寒恁般作準 回頭依約家園正蟹美禾肥小
春光景朝姜被昔昔蘇牀鄉心那堪重省破帽殘衫
圖着甚衝寒耐冷最穩算只有樵斤漁艇

淅淅冷冷故向愁人耳畔乍鳴還止問是何聲直恁淒
涼却道窓檣破紙風急霜寒這時節侯門戚里可便有
細酌羊羔燈前帳底 無情怨煞長安被利網名韁誤

吞松閣集

卷三十七

補遺

五

人到此魂離遷客腸斷孀閨

時同年凌比部鑄歿於官

盈盈淚痕如

水事不干卿總也在眉頭心裏休矣聽陣陣早鴉飛起

查太守恂叔招集接葉亭賞白丁香花調寄玲瓏

玉分韻得真字

天也情多遲花信閨得青春枝枝葉葉巧將粉筆彈勻
試向雲階月地倩梅魂梨夢畫取真真逡巡亭兒邊遊
迹易陳 好事風流太守想香山玉局合是前身接葉
看花質金釵饌玉燒銀盈盈晶簾斜卷乍迴首疎林晴
雪着意留人更低問甚年時重訂後因

春且歸歎倩誰挽一綫殘春番番花信幾曾傳到愁人
驀地尊前月下詫冰姿玉質別樣精神紅塵休欺他姑
射後身一自亭開接葉料詩筒酒盞幾度良辰膩粉
濃香轉頭開前却後因相看蕭蕭華髮比枝上堆霜壓
雪若個停勻且消遣眼前花權當作真

戊子姪兆龍偕赴徽州紫陽書院旋送之歸調寄

滿江紅

病骨衰顏况銷魂客中送客最今宵打牕敲枕雨聲淒
咽榆莢腰纏不當錢珠蘭腸斷偏多葉算人生只有此
時心難如鐵銷不盡鬚根雪解不開眉頭結儘鱸堂
吞松閣集卷三十七 補遺 三

馬帳鸞飄鳳泊卅載聯牀玉局詩秋庭虛幌鄜州月恁
淒涼莫是不關心回家說

周幔亭招飲白雲庵賞紅葉命奚僮度曲侑觴調寄絳都春

詩仙酒隱暫借得僧寮蒲團坐穩便有閒人挈榼提壺
從君飲騎鯨客去龍辭井問若個沙頭繫艇天涯吾輩
休辜負了灘聲月影依稀重省認取檻兒外何處楓
丹江冷換眼看來這石闌干休閒恁鳳皇欲下潛蛟醒
一曲曲歌喉越整無端歸也教人怎生意肯

爲院中肄業生某送江別駕蔗畦權守徽州得替

回池州調寄滿江紅

霜剪丹楓又驚見梅粧凝素留不住鹿輪碾草隼旗衝
霧虹約雙橋眉共鎖鐘敲十寺心先破看花枝夾道裊
長紅青山暮 流不斷漁梁渡割不斷賢關路枉栽桃
種李露團雲護雁字空留霞半幅月鈎常帶星三個爲
留公搔首欲呼天天難訴

吞松閣集

卷三十七

補遺

三七



回池州調寄滿江紅
吞松閣集卷三十七
補遺
三七



